

忠烈  
獨行

兩浙名賢錄

五





兩浙名賢錄卷八目次

忠烈

元

溧陽教授林古泉

趙觀光

沔陽推官俞紹芳述祖

張進九

鎮撫季坦之完澤

附金德

平江推官俞子中庸

陳仲廣恢

司經正字陳元達達

劉知事良

附子毅

松江路學官胡師善存道

董太初旭

顧生



明

神木令陳子浩剛

叅議王性常綱

子彥達孫與準附

知無為董道貫魯

雲南同知黃德隣里

弟亨附

都給事龔叔安太

子永吉附

博士方希直孝儒

魏澤附

翰林修撰王原采叔英

戶部侍郎卓惟恭敬

谷府長史劉仲璟璟

子額附

都御史陳性善復初

翰林院侍講樓士連璉

左拾遺戴德彝

獻縣令向遵博朴

子道淳道徵附

太常少卿盧希魯原質

兵部侍郎徐宗實厚

戶部侍郎盧廻

袁州知州楊任

監察御史鄭叔貞公智

按察副使程原道本立

按察司僉事林嘉猷昇

知縣鄭恕

二女附

吏目鄭思孝華

郎中梁田玉

郭良梁中節梁良用宋和郭節何洲梁良玉何申附

御史葉希賢

雪庵和尚

河西傭

附

川中補鍋匠

附

馮翁

附

東湖樵夫

常州同知石恒德允常

知府葉惠仲

兄夷仲附

知府徐安

國子助教張孔升經



工部尚書嚴震直

按察副使殷旦

督府都事潘誠夫

子凱附

福建叅議張彥華

弟敬子附

張海海

通政謝時用

僕由吉子儼附

兵部主事俞元器

子偉附

廣東副使毛宗吉

子科附

長隨何鼎

兵部員外郎陸汝亨

江西巡撫孫德成

子堪附

裕州同知郁亮之

朱知縣士亨

永福知縣周克光

僉事王汝修

姚長子

義士汪較

魏鏡

吳德四

弟德六附

葉七

蔡啓元

弟昆元附

杜茂卿

父文明附

趙乾倫

朱汀

子友章主附

定海文學戎良翰

饒州府判秦仲文碧

江西左叅議黃德裕

江陰縣知縣錢鳴叔

常熟縣知縣王德威

永福縣知縣周克光

附世胄名賢

萬文質

子鍾孫武文附

遼東都司同知李任

崔有本源

二弟澄清附

寧海所副千戶呂守誠



黃巖騎兵林文貴

陳表

火德光

宋汝觀應瀾

秦彪

弟漢附

葉朝佩紳

韓緝附

劉大昌隆

劉大光炯

海寧衛馬呈圖

姚弘采煉滿朝徐行健李元律附

兩浙名賢錄卷八目次終

兩浙名賢錄卷之八

東海徐象梅仲和氏謨

武原鄭忠材孝標氏閱

忠烈

元

共十四人

溧陽教授林古泉

林古泉黃巖人博極經史爲文詞下筆輒數千言如不

經思虞伯生揭曼碩皆與之交以遺逸舉授溧陽教授

未幾蘄黃寇起古泉攝州事州陷遇害垂死罵不絕口



賊怒磔其尸州南大樹上。事以聞。賊害垂死。不辭。趙觀光主帥。受命督與之交。以遣賊。舉討。觀光對曰。趙觀光鄞人也。幼多智識。稍長好讀書。通達時務。以郡博士弟子員得推擇。試吏奉化州。尋遷昌國。至正十年冬。黃巖寇起。而昌國孤懸海中。勢甚棘。州侯帖木兒不花問計。觀光對曰。州兵寡弱。且不諳水戰。惟蘭秀二山居民悍勇。善聞素習海事。若募以厚貲。示以重賞。用之擒賊。無難矣。侯然其言。卽以事委之。觀光招諭有方。不擾而事集。明年正月。從侯引兵出海。圍帥總軍民兵同會海門。洋俄而賊船百餘。猝至。衆皆懼縮。莫敢前。獨觀光部兵與之奮戰。至晚。無大勝負。明日。觀光分給兵餉。巡隄上。賊復大至。卽說侯進敵。賊衆數倍。我軍莫支。觀光持短兵接戰。矢石交下。我軍與賊不可辨。且無援者。遂死之。

沔陽推官俞紹芳述祖

俞述祖字紹芳。慈谿人。斲弛不羈。嘗漫游武林。遇知者。携往京師。時留守賀惟一多其才器。延置賓館。未幾。賀登中書平章政事。朝廷有大疑。退必請決於述祖及賀。



忠烈 卷之八  
陸左相與右相相排軋述祖尤善調護補翰林院胄歷  
沔陽路推官至正十二年河南兵攻湖廣行省長吏上  
下望風奔潰述祖慨然收募義勇推牛享士與敵遇於  
綠林相持十餘日力盡無援爲敵所執敵欲降之縛其  
五歲小兒曰不降將殺是卽厲聲曰我躬不閱遑恤其  
後何不速殺是敵竟殺之慢罵不已遂至支解逮死罵  
不絕口事聞詔贈奉訓大夫飛騎尉象山縣男子贈禮  
部郎中命有司復其家錄其姪一人爲後對品承襲十  
二年詔祠於沔陽

### 張進九

張進九青田之秋盧人世業農敦樸有至行至正乙未  
八都賊起進九被縛使前誘衆降進九怒呼曰諸人速  
來殺此八都賊賊加刀於頸令如已言卒不屈罵不絕  
口竟被殺邑人陳德載爲之立傳

### 鎮撫季坦之完澤

金德附

季完澤字坦之永嘉人幼習蒙古字求爲郡譯史弗克  
補用遂落魄湖海間至正末嘗從江西左丞李朵兒留  
燕京得爲平江路管軍鎮撫爲仇家所訴免官會賊攻



昱嶺關行省遂假完澤前官令從征完澤勇於討賊凡再戰關下皆大勝尋又與賊鬪自旦至午轉戰數里深入重圍遂爲所執其妻弟金德亦被擒賊皆縛之於樹臨以白刃脅之降金德意未決完澤大呼曰金舅男子死則死耳不可爲不義奈何聽賊德曰此言最是因大罵賊怒剖二人之腹而死

平江推官俞子中庸

俞庸字子中嘉興人爲平江路推官年飢穀貴流殍塞塗憲府檄庸董倉庾賑給全活數萬淮兵壓境庸募勇士鑰守盤門郡僚高安等謂庸盍不去諸庸厲聲叱曰公等以世臣守土一旦臨利害不能捐生報國而顧先去以爲民望如恩與義何高安愧怒以鐵簡擊庸仆地遂開門兵至城下庸未甦被擒置諸馬下頃之甦以計脫去微服間道歸久之太府知其人將授以官謝之曰吳門之役吾有死所今日之生出不幸耳尚負面授他命見天日乎因發憤病卒年四十五

陳仲廣恢

陳恢字仲廣黃巖人至正庚寅方國珍寇海上境內騷



忠烈 卷之八 四  
動恢與居僅一里聚族人及鄉之好義者禦之不克寇以勢利誘之恢輒罵不從既而與之戰於白楓河宗族死者八十餘人寇勢益盛恢自度終不能敵逃避山中憂憤成疾而卒

司經正字陳元達達

陳達字元達蘭谿人自中之孫也父萍仕元爲宣政院使達自少徵入宿衛學書於康里子山詔書欽安殿榜稱旨擢端本堂司經正字文學官立朝蹇諤嘗劾禿魯帖木兒忤旨賴太子營救得不死辭官歸永嘉從進士

陳高受尚書語及時事輒於邑流涕復召爲翰林學士不起王師下温州自沉於淵軍士引出之持佩刀自殺軍士奪之乃斷髮示無用安置濠州遇赦還蘭谿病風痺聞有薦於朝者却藥弗禦而卒蘓太史伯衡表其墓曰公伯祖宜中以攻丁大全而編管建昌公以劾禿魯帖木兒而幾見殺生與厄會何其絕相似也及元亡公分致死以徇國其心與乃祖行軍司馬死分水關同諒一門之內百戰之間風烈相終始所謂世篤忠貞者哉

劉知事良 子毅附



劉良辰之從父也。仕元爲常州萬戶府知事。張士誠圍常州，援兵絕不至，遣其子毅賫蠟書浮江間道抵江浙，行省求救未及，還而城陷。良不屈，闔門赴水，死者十餘人。

松江路學官胡師善存道

胡存道字師善，諸暨人。至正甲午，辟爲松江路學官。苗兵入城，縱火大掠，獨守學舍不去。死之前一日，題其壁曰：「啣命來分教，臨危要致身。但圖存聖像，不媿作儒臣。」郡人立祠繪像，刻之於石。

### 董太初旭

董旭字太初，公健之後也。少負英氣，博通羣書。與邁里古思最友善。古思欲與師討方國珍，臺臣怒其不稟命殺之。旭作詩傷悼，辭極哀楚，遂歸隱山中。已而國珍據台慶，欲羅致幕下，旭拒不受。乃作詩曰：「鬱鬱芒碭雲，未辨蛟龍形。熒熒祥星光，未燭夾馬營。君子慎其微，草露不可行。國珍復強之，終不屈。遂遇害。」

### 顧生

顧生，上虞人也。平生以忠義自許。至正間，鄞寇方國珍



忠烈 卷之八 六  
侵上虞時邁吉古思守郡城帥兵拒之生聚鄉兵出應  
與賊兵戰於曹娥衆寡不敵遂遇害里人瘞其屍江岸  
後岸被江濤上下皆啣而生豕獨完人咸異之

明 共八十九人

### 神木令陳子浩副

陳副字子浩鄞人嘗與甬東傅恕窮日夜績學期以科  
目自見造詣日深終不一踐場屋洪武五年徵授延安  
神木令其地控西北邊人民甚稀習尚桀驁副徒步上  
任撫牧疲羸尤急於摧折姦宄有小吏白敬臣素稱險  
黠副欲譴之而敬臣先覺亡去引賊入寇與其徒劉繼  
宣挾刃逼令降賊副不屈罵曰汝奴果致賊爲逆耶吾  
與此邑同存亡恨不寸斬汝等賊奪副所佩印殺之縣  
遂陷

### 廣東叅議王性常緝

子彥達孫與準附

王綱字性常餘姚人洪武初以文學徵見上親策治  
道拜兵部郎中未幾潮民弗靖擢綱廣東叅議往督兵  
餉綱致書與家人訣携其子彥達與俱单舸往諭降之  
還至增城遇海寇曹真竊發鼓噪突至截舟羅拜願得



綱爲帥綱諭以逆順禍福不從則厲聲叱罵之遂共扶昇之而去賊爲壇日坐綱上日羅拜請不已綱亦罵不絕聲賊怒遂遇害彥達哀號請代不得且哭且罵曰賊先殺我其酋長曰父忠而子孝殺之不祥與之食不顧賊憫其誠孝釋之乃綴羊革裹綱尸以出歸葬禾山洪武二十四年御史郭純上其事詔立廟死所額曰父子忠孝彥達子與準閉門力學有司以遺逸薦逃之山中終身不仕

知無爲董道貫魯

董魯字貫道旭之弟也師鄉先生潘壽通習經史善古文元末不仕方國珍欲官之力辭不受避居東陽山中太祖駐蹕金華以禮招致魯往見說以經略授知無爲州遇陳友諒寇城被執脅降不屈而死州人哭聲震地立碑頌德有詩集天姥山賦行於世

雲南同知黃德隣里

弟亨附

黃里字德隣山陰人幼有大志以節義自許從王冕學通春秋三傳工詩詞洪武初舉明經授雲南州同知與弟亨偕往七年山寇突入倉卒里以身禦之寇欲奪其



印里執弗與且詬罵求死遂遇害寇方肆擄掠亨痛憤致死命率衆百餘與寇戰勇氣百倍寇不支潰去亨亦傷其左目瀕死抱兄骨萬里歸葬人謂里死官而亨破寇忠義萃於一門惜未有以其事上聞者

都給事中龔叔安太

子永吉附

龔太字叔安義烏人洪武十九年鄉薦明年入太學吏部策試第一除戶科試給事中建文三年遷都給事中文皇渡江太與妻傳訣曰事至此我自分死爾第携幼稚歸否則俱溺井無辱俄官中火起太馳赴爲兵校所執見又皇金川門以非奸籍得釋太自投城以死年三十六子永吉累官兵部右侍郎改南京大理卿致仕

文學博士方希直孝儒

魏澤附

方孝儒字希直一字希古台州寧海人父克勤國初守濟寧有惠政孝儒自幼精敏絕倫雙眸炯炯日讀書積寸爲文雄邁深醇鄉人呼爲小韓子長從宋漁遊宋門下多名士孝儒一旦遂出其上先輩如胡翰蘓伯衡皆自謂弗如也恒以明王道闢異端爲已任故世咸以爲程朱復出洪武十五年以薦召見上喜其舉止端整



謂皇孫曰此莊士當老其材以輔汝且遣還鄉會仇家得罪詞連孝儒籍其家械送闕下上識孝儒名特賜開釋令奉祖母孳妻子還二十五年又以薦召至上曰今非用孝儒時稍擢漢中府學教授孝儒日與諸生講明正學蜀孝王聞其賢聘爲世子師孝儒每見王必陳說道德講經論文無虛日王甚喜爲名其讀書之廬曰正學皇太孫卽位廷臣交薦召爲翰林博士進侍講尋陞侍講學士凡將相大政議輒咨孝儒上好讀書每有疑卽召使講解臨朝奏事臣僚面議可否必命孝儒就宸前批答時大召名儒修太祖實錄及類要諸書孝儒爲總裁比定官制改文學博士靖難兵起日召謀議詔檄皆出孝儒手建文遜去文皇以姚廣孝言召用孝儒不肯屈繫獄一日遣人曉諭再三終不從又召草詔及見悲慟徹殿陛上降榻勞曰先生無自苦余欲法周公輔成王耳孝儒曰成王安在文皇曰渠自焚死孝儒曰成王不在何不立成王之子文皇曰國賴長君孝儒曰何不立成王之弟文皇又曰先生無過勞苦此朕家事耳置之左右授筆札日詔天下



非先生草不可孝儒大批數字云云投筆於地又大哭且罵且哭曰死即死詔不可草文皇大怒命磔諸市孝儒爲絕命辭曰天降亂離兮孰知其由奸臣得計兮謀國用猶忠臣發憤兮血淚交流以此徇君兮抑又何求嗚呼哀哉兮庶不我尤時年四十六復詔收其妻鄭鄭先自經死宗族坐死者八百七十三人孝儒初被薦時王叔英與書以時措之宜爲言孝儒亦然之及侍上輒慕古王政即欲見諸行事以故多紛更卒無成效其文章四方裔夷得一字寶於金壁所著有遜志齋集四十卷其餘諸書逸不傳洪熙初仁廟嘗謂羣臣曰若孝儒輩皆忠臣詔奸臣黨與從寬典方氏遺族始有赦還鄉者因立祠堂祀孝儒成化初遺文始行或曰錄孝儒家時得魏典史澤周旋藏其幼子以故孝儒尚有後謝文肅公詩所謂孫枝一葉是君恩也孝儒死節後至今百六十年人皆歷歷能言雖人人殊其成仁取義之死靡悔斷然不可泯滅而同時文學柄用之臣際會功名史有別書以故魏惠安公澤哀江南詞有曰後來奸佞儒巧言自粉飾叩頭乞餘生無乃非直筆澤字彥



恩應天人爲刑部尚書謫寧海

翰林修撰王原采叔英

王叔英字原采台之黃巖人。洪武二十年薦起爲僊居訓導。三十年改海安府學。陞漢陽知縣。有惠政。嘗遇旱。虔禱不效。遂絕食。天大雨。復所晴。遂霽。建文初。方孝儒欲復古井田。叔英貽書力阻之。曰。凡人有才。固難能用。其才者尤難。子房之於漢高。能用其才者也。賈誼之於漢文。不能用其才者也。方今明良相值。千載一時。但天下之事。固有行於古而亦可行於今者。如夏時。周冕之類。是也。亦有行於古而難行於今者。如井田。封建之類。是也。可行者行。則人之從之也。易難行而行。則人之從之也。難從之易。則民樂其利。從之難。則民受其患。此君子之用世。貴得時措之宜也。召爲翰林修撰。上資治八策。又曰。太祖除奸剔蝨。抑強鋤梗。如醫去病。如農去草。去病急。或傷體。膚去草嚴。或傷禾稼。是故體膚病去。則宜調燮其血氣。禾稼草去。則宜培養其根苗。靖難兵至淮上。建文遣使四出募兵。叔英奉詔行。至廣德。聞上已遜位。卽慟哭。會齊泰奔。叔英曰。泰貳心矣。急擒泰。



至密問之乃相抱哭相語共圖再舉已而知不可爲沐  
浴衣冠書絕命詞藏裾間自經於玄妙觀銀杏樹下詞  
曰人生穹壤間忠孝貴克全嗟淪事君父自省多過愆  
有志未及竟竒疾忽見纏肥甘空在案對之不能嚙意  
者造化神有命歸九泉嘗念夷與齊餓死首陽巔周粟  
豈不佳所見良獨偏高蹤邈難繼偶爾無足傳千秋史  
官筆慎勿稱希賢又題其案曰生旣久矣未有補於當  
時死亦徒然庶無慙於後世妻金安人繫獄死二女赴  
井死祠山道士盛希年收叔英葬於本州城西五里之  
地正統中楊士竒題曰嗚呼翰林修撰王原采墓士竒  
叔英所薦起也

戶部侍郎卓惟恭敬

卓敬字惟恭溫之瑞安人生有異質七歲時相工曰此  
兒骨髮殊異必爲名卿惜血不華色耳年十五讀書寶  
香山風雨夜歸迷失道得一兕牛憑之歸比入門乃黑  
虎也洪武二十一年進士除戶科給事中時制度未備  
諸王服乘多僭敬乘間爲言上曰爾言是朕慮不及  
此因陞宗人府經歷進戶部侍郎建文初燕王來朝敬



密奏曰。燕王智慮絕人。酷類先帝。夫北平者。強幹之地。金元所由興也。宜徙燕南昌。以絕禍本。夫萌而未動者。幾也。量時而爲者。勢也。勢非至勁。莫能斷。幾非至明。莫能察。建文覽奏。大驚。袖之。翌日語敬曰。燕王骨肉至親。卿何得及此。曰。楊廣隋文非父子。邪。建文默然。良久曰。卿休矣。事竟寢。文皇卽位。責敬不奉迎。乘輿。敬厲聲不遜。怒欲殺。而憐其才。謂姚廣孝曰。諸奸臣皆欲首先害朕。惟敬諫。徙封內地。若聽其言。則干戈息矣。廣孝曰。不然。南昌地居卑下。金陵加兵。特探囊取物耳。使敬言誠用。陛下豈有今日。於是敬遂死。敬臨刑。從容歎曰。變起宗親。略無經畫。敬死有餘罪。神色凜然。經日猶如生。夷三族。文皇常曰。國家養士三十年。唯得一卓敬。後四十年。劉球傳其事。私謚曰忠貞。敬立朝。慷慨英偉。美丰姿。善談論。凡天文地理。律曆兵刑。皆能究察。詩文峭拔磊落。所著文集五十卷。

谷府長史劉仲璟璟

子貌附

劉璟字仲璟。文成公基之仲子也。生時月食。復光。基歎曰。天墜乃緒。而卒能幹之者也。弱冠。涵濡經傳。喜談兵。



究極韜略，握竒諸書，偉貌豐髯，議論英發，甌賊葉丁香叛延安，侯唐勝宗討之，決策於璟，破賊還，薦璟才略。上喜曰：璟真伯溫兒矣。徵入朝，命襲父爵。璟曰：臣有姪在。上曰：璟終儒家子。即日拜閣門使。謂璟曰：朕欲汝朝夕左右，惟閣門使如儀禮司，立百官上，宣達爲職。處爾無逾此官者。復金書除奸敵，佞四字於鐵簡以賜之。且命曰：百官敢有不法，汝持此糾正。適都御史某奏車牛事忤旨，璟卽以鐵簡擊其頸。上喜曰：正當如此。由是舉朝畏忌璟謀，所以去之。會德王封宣德府，上謂侍臣曰：谷王年少，誰可羽翼王者？諸大臣遂薦璟。曰：閣門使劉璟忠勇果敢，可任。上頷之，授谷府長史，并勅提調蕭遼、慶寧、燕趙六王府事。璟嘗至燕，文皇與璟奕。璟勝，文皇曰：卿獨不少讓。我耶？璟正色對曰：可讓處，璟不敢，不讓不可讓處，璟不敢讓。文皇默然，靖難兵起，璟馳還京，獻十六策，不聽。令參議李景隆軍事，景隆又不聽。景隆兵敗，璟夜半渡蘆溝河，冰陷，馬斃，璟力破冰，跳躋岸，冒雪走良鄉，趾裂，跛行三十里。璟子豹自大同赴難，越良鄉至涿州，遇璟，翼璟上馬遁去。璟痛憤。



失策輿疾赴闕進聞見錄千萬言又不聽命還家待用  
 明年六月建文既遜位璟稱疾不起法官論璟逃叛親  
 王逮赴京鄉人餞於道或從容謂曰主上明聖何啻太  
 宗先生忠亮允為魏徵可也璟推席起曰爾謂我學魏  
 徵耶仰天大號兩淚俱落衆視之泫泫然淚皆血也不  
 顧而去至京強以官辭對上猶稱殿下且曰殿下百  
 歲後終逃不得一箇字下獄卽夕辯髮自經死法官希  
 旨緣坐其家上不許得歸葬嘉靖乙酉督學使者萬  
 潮肖像配饗文成祠

都御史陳性善復初

陳性善名復初以字行山陰人洪武十八年進士上  
 見性善凝重謂侍臣曰性善君子人授行人司副入翰  
 林為檢討初誠意伯劉基卒命李鐸往取其遺書基子  
 璉卽出觀象玩占石室中從鐸詣闕上之性善善楷書  
 召入便殿繙錄上威嚴進見者惶汗手顫不成字惟  
 性善動止安雅書法端正上悅賜性善酒是時威譴  
 叵測性善留竟日家人以為死比出大驚喜久之超陞  
 禮部左侍郎皇太孫在東宮時熟聞性善名及卽位一



日退朝，獨召性善賜坐，問治天下之要，且使手書以進。性善感知遇，盡所欲言。朝廷悉從之。然施行未竟，輒爲有司所更。性善請見曰：陛下不以臣愚，猥承顧問。臣旣僭塵上聽，許臣必行。未幾輒改，所謂爲法自戾，何以信天下。靖難兵起，改性善爲副都御史、監軍。建文四年三月辛巳，戰靈璧，敗績。與彭與明、劉伯完、王資皆被執。文皇縱之歸。性善衣朝服躍入河死。後加追戮，家徙邊已而赦還。

翰林侍講樓士連璉

樓璉字士連，金華人。嘗從宋濂學。洪武中以儒士召，歷官至監察御史。謫戍雲南。建文嗣位，屢下詔求賢。璉以文學舉，入翰林爲侍讀。靖難兵入，命方孝儒草詔。孝儒哭且罵，授之筆，擲諸地曰：身可死，詔不可草。改命璉及王景璉。惶懼不敢辭歸，而憤悶。妻子曰：得無傷方先生耶。璉媿曰：我受刑猶可，正恐累及爾輩耳。遂巡一夕自經死。

左拾遺戴德彝

戴德彝，奉化人。洪武二十七年進士第三人。初爲翰林



編修三十年與張信並陞侍讀。上諭曰：汝爲侍臣，凡國家政治得失，生民利病，當知無不言。昔唐陸贄、崔羣、李絳在翰林，皆能正言讜論，補益當時，汝宜以古人自期。德彝與信皆頓首謝。由是感奮，思所以稱上意。摺遺補闕，直聲振於朝。改監察御史，益善其職。建文中省御史，改左拾遺。靖難兵起，與黃子澄練子寧輩，日夕畫策防禦。命既遷，不屈而死。

獻縣令向遵博朴

子道淳道徵附

向朴字遵博，慈谿人。宋丞相文簡公敏中之十四世孫。父壽宗，慈湖之學，學者稱爲樂齋先生。朴得其傳，行務實踐，力學養親，不求聞達。洪武二十五年，上命督府

都事張允直訪求江南人材，以朴應詔。陛見，高皇帝問居家何爲，對曰：種田。其容秀而文。上心知其非耒耜中人也，因詢大麥何以四節，對曰：以其占四時耳。卽日授獻縣令。單車就道，妻子不入官舍。時兵燹之餘，爲之闢荆榛，畚瓦礫，教百姓農桑，與同甘苦。流移復業，靖難兵起，獻當其衝，無城郭可守。朴集民兵，激以義勇，與北將談淵迎戰，衆寡不敵，被擒。懷甲受刑，獻民哀之相



與拾遺骸葬道左副都御史陳瑛請究治死事諸臣有  
 楊姓者父子三人懼發掘夜負骨潛葬邑北十里永樂  
 初中書舍人王尹實北上詢得葬所宿郵舍夢朴服血  
 污葛衣談其往事即秉燭為文乘星月往哭之洧川令  
 韓彥起復匿其二子於任顧道輯其遺事書于寶峯庵  
 佛座後三人者皆義士也二子道淳道徵道淳被徵竟  
 稱痼疾不起有攀栢悲號之風

太常少卿盧希魯原質

盧原質字希魯寧海人父中母方孝儒姑也洪武二十

一年進士第三人授翰林編修孝儒遺原質詩曰奉天

殿上榜初開共賀江南得異才好與青蘿居士說今年

文運屬天台二十三年丁外艱賜傳奔喪二十八年陞

太常少卿事建文累有建白靖難後召見不屈死族其

家

兵部侍郎徐宗實

徐原字宗實黃巖人以字行聘授風紀官原以草茅愚

孱辭改銅陵簿謫淮陰驛丞郡邑士多所造就召見獎

諭屢聘主文衡陞蘄州通判擢兵部右侍郎靖難兵起



奉使招集兩浙義勇。明年建文遜位去。屋家覆沒於京。師。屋。義。槩。侃。然。杜。門。終。老。

戶部侍郎盧廻。人。以。字。為。號。...

盧廻。僊居人。建文三年。為戶部侍郎。廻踈爽。不屑曲謹。然大節皎然。少喜飲酒。酣輒長歌。人或謂廻狂。既仕。顧折節恭慎。靖難後。不屈。縛就刑。長謳而死。聞者悲之。或曰。盧珙。天。...

袁州知府楊任。...

楊任。嘉興人。母張氏。初生任。有胡僧過門。聞啼聲。歎曰。...

此兒異日必貴。恐終不免於刑。任至孝。嗜學。洪武間。由...

人才。擢知袁州府。黃子澄一見。以國士許之。靖難兵起。...

引疾歸。壬午事定。子澄出徵兵。往約蕪守姚善。航海善...

不可。子澄乃至任家。共謀求舊君。以圖大舉。事泄。任與...

子澄俱被執。至京。磔於市。任子禮坐死。籍產族誅。

監察御史鄭叔貞公智

鄭公智。字叔貞。寧海人。力學好古。工文辭。方孝儒薦之。

蜀孝王。召至成都。王與語經史。論詞藝。公智數稱述河...

間。東平賢行。王說之。建文初。侍孝儒至京。尋舉賢良。為...



監察御史。吏事精敏。持法不阿。靖難後。坐方黨論死。

按察副使程原道本立

程本立字原道。系出伊川。上世徙崇德。今析桐鄉。本立少有大志。讀書不務章句。與海鹽沈壽康友善。嘗執手告本立曰。世之學者。爭務科舉。以經學爲名。而無實。吾所不取。子之質近厚。年且富。當志於聖賢之學。本立遂篤志修檢。造詣日深。國初舉明經秀才。洪武九年。除秦府引禮舍人。十三年。補周府引禮官。從王之國。二十年。春。進長史。從王來朝。被累謫雲南馬龍。他郎甸長官司。

吏目留家大梁。從一僕去。會死。可伐煽誘百夷爲逆。本立單騎入夷巢。諭以利害。諸酋落感悅歸附。是冬。諸夷復變。帥潘沐英張紘屬本立行縣。典兵事。且撫且禦。本立不避險難。山行野宿。自楚雄姚安抵大理永昌鶴慶。麗江往來。綏輯民夷。稍安。二十一年。奏計入京。應天府尹向寶翰林學士董倫薦本立。學行政事宜。留徵入翰。林克纂修官修。太祖實錄。建文三年。實錄成。改江西按察副使。未至江西。聞靖難兵入。自縊死。後百三十年。福建布政使吳昂刻其異。隱集於閩。壽康人稱爲孝隱。



先生自有傳

按察司僉事林嘉猷昇

林嘉猷名昇以字行臨海人少師同邑王琦琦坐累徙雲南姻族無敢顧者嘉猷徒步千里追送泣別人高其誼後與鄭叔貞負笈六千里至漢中師方孝儒時學於方氏之門者踵接而孝儒獨以得二人爲喜曰匡我者二子也洪武末以儒士校文四川建文初薦修高廟實錄入史館爲編修遷陝西按察使僉事嘗被召入燕邸得其隱知二郡王素傾世子以告孝儒孝儒言之建文君遣錦衣千戶張安持書詣燕許世子王燕燕內使黃儼因間世子計且得行而世子竟先發事遂洩靖難後坐方黨逮至京不屈死之

知縣鄭恕

二女附

鄭恕字本忠僊居人治尚書能賦詩善書畫好古博雅家甚貧金魚甌塵一介不妄取蕭然斗室日與學徒數十人講論經理高風勁節一時敬嚮寧波知府禮聘爲昌國訓導未幾陞蕭縣知縣留心撫字民愛敬之建文四年靖難支將王聰攻破蕭恕死之年五十六後籍其



家二女。當配亦死之。子漁。湜姪温。汲謫北平。種田。

吏目鄭思孝華

鄭華字思孝臨海人。洪武十八年進士。初授行人。奉使川廣。有令名。建文元年。註誤謫東平州吏目。靖難兵起。謂其妻蕭曰。吾義必死。奈親老。汝少。何妻泣對曰。君能為國妾。獨不能為君乎。華乃稱疾。尋醫。携家託其友無錫丞趙次進。馳還東平。時州長貳皆弃城去。華獨率吏民。憑城死守。憂勞病甚。水漿不入口者三四日。北將朱能攻陷東阿。分兵取東平。華曰。守土之臣。義不苟生。請援山東。又不至。乃力疾戰。不屈死之。時年甫三十。

郎中梁田玉

郭良梁中節梁良用宋和郭節何洲梁良玉何申附

梁田玉定海人。靖難兵入金陵。與葉御史俱髡髮為僧。避去。久之松陽人王詔遊治平寺。觀轉藏。聞藏上。嚙指有聲。異之。令人緣藏上。登頂。無所見。唯見一卷書。載建文時出亡臣僚二十餘人事。紙毀漑。字多斷爛。不可讀。讀數日。稍稍詮錄。其可識者。得田玉郭良梁中節梁良用宋和郭節何洲梁良玉何申凡九人。人僅數言。詔憐其忠。又得之異。各贊數語。題曰忠賢竒秘錄。贊田玉曰。



行儒名釋知我者誰至寶淪沒久而同輝

中書舍人梁良玉與梁郎中同族靖難兵入諛妻子易姓名挾微貲走出金陵逾嶺至海南寓市肆粥書爲業以死贊曰忠臣蹇蹇遵彼海溥就書翫市資以盍簪屯如邇如哀此陸沉

中書舍人宋和郭節皆不知何許人靖難後變名挾卜筮書走異域賣卜給衣食客死

何洲不知仕何官與宋和郭節友善素以忠義相勗遂相約爲筮人客死異域詔合洲與宋和郭節而贊之曰箕子陳範嚴氏隱卜義有從否道有宜告烈烈英賢寥寥冥鵠

梁中節定海人未詳仕何官少好讀老子太玄經靖難後與郭良弃官同走出京城爲道士入山去

郭良亦不知何官何處人靖難後亦弃官爲道士合贊曰駕言導引笑傲林臯頽波莫挽使我心勞

梁良用亦定海人父子兄弟八人同仕於朝靖難後相率變姓名避去良用去爲舟師已而死於水或曰梁氏父子兄弟爲舟師投水死者五人贊曰泛泛柏舟載浮



忠烈 卷之八  
載沉中流。誓節惟我好音。肯欠一死。非名是尋。以完我族。庶明我心。

中書舍人何申不知何許人。建文末奉使四川。至峽口。聞金川門不守。發憤慟哭。吐血不數日。疽發背死。贊曰。兩涯洶洶。中作霹靂。義氣憑殷。與之俱激。奸諛過此。寧不惕息。身死言同。法出。京師。鄭端簡曉乃槩括王子之詞。合而銘之。曰。今吾故吾。知我者誰。瘠若漆身。希蹤採薇。戢戢潛龍。寥寥冥鷁。豈吝箕疇。而甘漢卜。山椒水滢。天涯海濤。會其可逢。鼓以南音。肯欠一死。以明我心。白霓晝見。虞淵沉沉。孰呵護此。悠悠古今。嗟乎靖難時。死者無慮千人。宋張林黃諸君子。百方搜考。僅得百餘人。此二十餘人者。幸而不死。又得好義者。密錄其姓名。藏之蕭寺秘處。歷百餘年。而王詔始見之。縉雲鄭僖爲識其事。竟以紙字磨滅。故僅得九人。其十一人不可考矣。

御史葉希賢

葉希賢。監察御史也。或曰。浙東人。或曰。起家鄉薦入臺。侃侃自負。建文中。屢疏言用兵事。又嘗劾耿李二大將。



失律喪師金川門失守又詐藩守門者靖難後坐逆黨  
死命賈溫察噉史山迺曰沛東人迺曰豈亦蘇人

雪庵和尚

雪庵和尚名暨不知其姓靖難初方黃之獄殺幾萬人  
卽不殺謫戍窮邊不死於道死於邊者又幾萬人當是  
時和尚壯年始痛哭落髮爲僧西南走重慶大竹善慶  
里里墟中有隱士杜景賢知和尚非常人與之游往來  
白龍諸山山傍有松柏灘灘水清駛蘿篁森蔚和尚欲  
寺焉景賢豪有力卽爲之寺寺成和尚率其徒入居之  
昕夕誦經山中人不知書謂且誦佛經乃不知其誦易  
乾卦也景賢曰和尚相釋而誦儒不可請誦佛經乃和  
尚亦知景賢意遂誦觀音經和尚好觀楚詞時時買楚  
辭袖之登小舟急棹灘中流朗讀一葉輒投一葉於水  
投已輒哭哭已又讀讀終卷乃已衆莫測其云何景賢  
固知之然亦不問和尚好酒不戒酒日注酒一壺俟客  
客至輒飲客不至卽拉樵牧豎入飲飲半醲呼兒童歌  
曰我歌爾和歌竟瞑焉而寐和尚頎形秀爽指柔白翦  
翦落筆成章詞不甚工密然意氣渙發又能感愴人或



曰和尚當建文壬午爲御史不數月帝遜位和尚固秘跡以死死之日其徒問曰師卽死宜銘何許人和尚張目曰松陽問其姓名不答和尚有詩若干篇今且百四十餘年尚未敢顯行於世或曰此松陽葉希賢也以賢良方正舉爲監察御史

河西傭

附

河西傭不知何許人建文四年夏六月靖難師入金陵傭披葛衣走是冬至金城行乞市中金城邊地極寒傭披葛衣明年過河西依莊浪豪魯家爲傭傭取直稍稍積買羊裘披而覆以故葛衣葛益破縷縷竟不肯脫夏或衣暑布布卽新故葛衣輒覆其上傭錢稍有餘走市中買牛肉與酒與市中乞兒共飲食傭力作倦時自吟哦或夜聞其哭泣聲永樂中有留都官從宋總兵至莊浪者識傭欲與語傭走南山中避之旬月留都官去乃還有問留都官傭何人者留都官亦不答在莊浪數年病且死呼主人謝之且囑曰我死勿殮我棺幸西北風起火我無埋我骨魯家從其言

川中補鍋匠

附



川中補鍋匠亦不知何許人往來夔慶間爲人補鍋至州邑不過三日卽去去或復來夔慶人有欲學補鍋者卽教之補鍋不索謝直令負擔從有後曹學者至卽遣先學者去如是數年夔慶間人識之皆呼爲老鍋匠補鍋或與錢布米不擇當食時與之食卽不復索錢錢稍稍積囊中遇風雨寒暑不出補鍋卽出錢買酒飯自飲食常寄宿蕭寺中一日於夔州市上忽逢馮翁者二人相顧愕然已而相持哭哭已相牽入山岩中坐語竟日學補鍋者屏不得聞二人語語已又相持哭且別去言今永訣不可復相見已竟莫知其所終蜀中蛾眉亭嘗有建文遺臣題詩云一箇忠臣九族殃全身遠害亦天常夷齊死後君臣薄力爲君王固首陽

馮翁附

馮翁亦不知何許人在夔州以章句教童子給衣食能爲對句及古詩詩成輒自題馬二字或馬公或塞馬先生每作詩輒大書壁間比見補鍋匠後卽鏟去前後所題詩詩有傳者曰夜夢何竒特龍飛天漢津朝橫滄海曲夕過滇池瀆光雯皆五色蜿蜒無損鱗淵田變化間



張主藉高旻時蓋永樂甲申乙酉間未幾辭主人去莫知所終。

東湖樵夫

東湖樵夫者樵浙東臨海東湖上也日負薪入市口不二價建文壬午秋詔至臨海湖上人相率走縣庭聽詔或歸語樵夫曰新皇帝登極樵夫愕然曰皇帝安在或曰燒宮自焚矣樵夫慟哭遂投湖水中死竟不知何許人

鄭端簡曉曰余聞之陶徵士言齊二客魯兩生史竝失其名操行之難而姓名翳然撫卷長歎不能已已余獨幸夫雪菴諸君子忍垢茹荼卒晦其名以不滅其族也

常州府同知石恒德允常

石允常字恒德寧海人洪武甲戌進士歷官河南按察司僉事廉介有聲人稱石清潭每分巡屬邑必微行民間嘗聞哭聲甚悲允常庶知其女為閹宦逼姦而死受其訴聞於朝捕閹抵法羣閹啣之巧構允常左遷常州府同知俄北師起允常弃官歸文皇即位追論建文間廢毀州府官僚事逮至者五十餘人允常與焉衆悉



洵懼服罪人輸贖米五十石獨允常鍛鍊百端堅不肯服繫獄二年免死謫戍中屯衛躬擐甲胄幾三十年年七十代還過南都感愴病卒於舟中

知府葉惠仲

兄夷仲附

葉惠仲初名見泰以字行臨海人與兄夷仲並有文名稱二葉惠仲初任廣武衛知事陞知縣建文初以知縣克史官修高廟實錄二年同考禮部陞知府永樂元年二月坐修實錄時書靖難事爲逆黨論死籍其家

知府徐安

徐安鄞人洪武中舉人材累官濟南知府調鳳陽靖難兵自儀真趨京師奇兵間道從靈壁出鳳陽渡河安謀知折浮橋絕舟楫拒守靖難兵竟獲漁舟以濟靖難後放歸田逾年舉遺逸有司上安名得復任居數載鳳陽諸戚里奏安凌宗親庇細民奪莊田文皇始怒曰朕昔尚爲安所困况若曹乎逮安謫戍雲南

國子助教張孔升經

張經字孔升蕭山人洪武中以明經舉累官國子助教靖難師入城弃官歸時事出倉卒夜半縋城而下幅巾



野服絕口不言時事人亦鮮知其心者晚年以棋隱更號橘樂年八十餘而終

工部尚書嚴震直

嚴震直烏程人洪武五年起家布衣授試參議歷陞工部右侍郎進尚書二十六年鄉民訴其弟姪不法上付震直訊報獄具上以爲不欺赦其弟姪已而坐事降監察御史二十八年陞右都御史復爲工部尚書三十年二月震直上論兩廣鹽法得行江西安贛吉臨諸府震直質直勤敏上數稱之時時賜食復其家靖難兵起震直督餉齊魯間兵敗爲北兵所縛置布囊兩馬夾昇至北平建文遜位後復爲工部尚書奉使安南至雲南見建文悲愴不食吞金而死

按察副使殷旦

殷旦蕭山人永樂初進士爲監察御史敢言自任不避權勢錦衣衛指揮紀綱怙寵奢僭旦劾其奸惡數十事綱遂棄市自是貴倖斂戢當時有殷旦入朝百官失色之語拜交趾按察司副使黎利叛安南復沒於交趾悉逐朝廷命吏易以所親獨留旦欲用之旦不屈自經死



交人義之具棺衾送其妻子出界上

都督府都事潘誠夫子凱附

潘禮字誠夫鄞人永樂中徵修永樂大典授後軍都督

府都事宣德元年從安遠侯柳升成山侯王通征交趾

升恃勝有驕色禮諫不聽會賊再至升出戰忽橋斷軍

分而敗升欲降禮曰不可唯死戰而已帥所部皆死之

通脫歸以聞詔徵其子凱為進賢學訓導世蠲徭役

福建叅議張彥華弟敬子熙附

張瑛字彥華建德人自幼剛方端重尤勤於學領永樂

十二年鄉薦授刑部主事遷員外知建寧府時延平沙

尤鄧茂七構亂其黨葉宗留等聚眾至數千蔓延至建

寧荼毒日甚瑛募壯士團義兵擊走之以功陞福建左

叅政仍掌府事後餘黨復作猖獗轉甚至臨城下瑛與

弟敬率兵討之乘勝逐北弟敬戰沒瑛為伏兵所獲欲

降之瑛大罵不屈而死事聞贈嘉議大夫福建按察使

遣官諭祭官其子熙為羅田主簿

張海海

建德張海海一名文淵洪武初編伍營州尋調開平永



樂十七年、從典安伯徐亨備邊、俘於沙漠、虜主奇之、欲妻以女、懇辭、與之官、不受、因入貢人、至京、附奏密情、十四事、朝廷嘉之、頒旨開豁原籍、仍免差徭、次年得古璽、欲南遁、適天色頽迷、追騎甚迫、乃摹篆於裙幅間、投璽於水、至則真跡爛然、馳獻、宣皇召對便殿、賜五品服、色酒飯寶鈔、次日聽宣、賞賚如前、賜職錦衣衛千戶、懇乞歸田、海海在虜一十五年、時比之蘓武、

通政使謝時用澤

僕由吉子儼孫元順附

謝澤字時用上虞人、永樂中舉進士、授刑部主事、歷郎中、推立法意、慎持不刻、同官服其詳雅、會戶部侍郎周忱、經略東南、運賦薦澤為已副、居淮浙數年、勞績茂著、出為廣西右叅政、佐柳彥征夷、招撫全活者以萬計、當是時、澤與甄完、胡智皆以藩憲有聲、人稱越中三良、正統十四年、虜內訌、北邊戒嚴、朝廷擇才望守要害、貴臣有受命者、巧為規避、而澤以九載考績、待除闕下、遂拜澤通政使、提督居庸白洋等關、是時駕已北狩、京師軍伍空虛、澤單騎以往、其子儼送之出境、澤執手與之訣、曰、吾必以死報國矣、既抵關上、士卒方散亂、又不知通



政爲何官無一人出迎者澤乃宣勅旨集將士將士乃稍稍至然皆悞怯不振頃之虜大入吏卒皆散走獨澤猶率羸卒殿山口且拒且却或請移他閑姑避其鋒可無虞澤曰吾受國厚恩三十年此豈偷生日耶會風起沙塵漲天人馬不能辨遂得却走入閑南佛寺中門急猝不暇閉虜突至澤端立厲聲叱之遂遇害虜騎方克斥其僮曰由吉者抱澤骸匿亂尸中始得歸朝廷嘉其忠詔賜葬祭錄用其子儼大理評事孫元順正德丁丑進士終工部郎中

兵部主事俞元器鑑

子偉附

俞鑑字元器桐廬人登正統六年進士丁外艱哀毀骨立服闋授兵部職方主事奉命清理大同等處軍政清慎詳敏取舍得情十四年胡寇也先犯順郎中胡寧當行以疾求代鑑慷慨許諾有以子幼家遠沮之者鑑厲聲曰國事如此可言及身家耶至庭中撫二子摩其頂曰若等自當成人我不能顧矣時尚書鄺埜知其賢悉與籌畫應對如流力勸埜奏上班師不聽七月十六日抵大同命平鄉伯出戰敗績回至宣府八月十三日



忠烈 卷之八  
過雞鳴山遇寇成國公朱勇敗沒回至土木也先人馬  
大至皇輿失守鑑謂其家丁曰若急走報吾不得歸矣  
遂躍馬入虜陣死鑑氣節慷慨有大志八歲聞父讀出  
師表卽能扣其大義事親與兄如成人禮忠孝蓋出於  
天性景泰改元贈承德郎官其子偉正德間僉事韓邦  
奇題其墓曰惟公事不避難勇克死義爲臣以忠卓哉  
無媿

廣東副使毛宗吉吉

子科附

毛吉字宗吉餘姚人景泰五年進士授刑部主事是時  
錦衣衛指揮門達等怙勢作威其黨有犯有司莫敢問  
獨吉懲之以法不少假於是其黨交訶之吉偶以失朝  
下詔獄乃羣嗾健卒挺之幾死轉廣東僉事分巡潮惠  
時劇賊楊輝據程鄉之寶龍石坑龍歸三洞攻掠城邑  
吉督七百餘騎破賊三千衆擒其黨曾玉謝瑩而寶龍  
之賊伏山上發毒弩我軍不利乃選死士百人掩擊之  
楊輝殪衆遂驚潰連破三洞斬首五百級俘六千人又  
擊破雷州巨寇部內悉平捷聞降勅獎諭陞副使總理  
軍務賊又攻河源縣吉屢敗之餘衆遁於陽江之雲岫



山我師徂勝突入賊營陣亂賊合兵乘之我師潰從騎  
勸退避吉不聽死之是日晝晦烈風雷雨大作山谷皆  
震動踰七日得屍貌猶若生事聞贈廣東按察使謚忠  
襄遣官諭祭錄其子科入太學廣東及餘姚皆廟祀之  
初吉之遇害也貧無以歸僚長以犒軍餘銀密付吉家  
僮爲道路費吉神降於僮婦亟呼曰夏憲長吾平生玉  
潔肯含垢入地下哉悉索還之闔署駭歎謂其死無易  
節如此科後亦舉進士有名官終提學副使

### 長隨何鼎

何鼎餘杭人其入內爲長隨不知其所自性儉素好讀  
書知大義弘治間目見張皇后兄弟出入宮禁無所忌  
心甚忿忿以爲祖宗法度外人不得至此安敢瀆亂乃  
爾一日孝宗與張飲偶起如廁除御冠於典冠者張  
戲之復帶酒污宮人鼎遂持金瓜候宮門擊之時太監  
李廣露其事僅得脫明日鼎上疏極言之張后大怒梓  
鼎至撲殺之投尸海子時翰林某有詩曰外戚擅權天  
下有內臣抗節古今無道合比干惟異世心於巷伯却  
同符至今人猶能誦之



兵部員外郎陸汝亨震

陸震字汝亨蘭谿人少從楓山先生學慷慨有大志以名節自砥礪舉正德戊辰進士授泰和令恩威並著振恤民艱邑稱大治考最授兵部武庫司主事遷車駕司員外郎時江彬怙權伺篡而車駕多巡遊震抗陳仁義之疏禍幾不測顛大臣救免已卯春彬復誘上南巡命下中外洶洶懼變叵測震曰事急矣既不能去又不能言吾何以祿爲遂與同官黃公鞏疏陳六事請斬江彬以謝天下彬銜之矯詔下錦衣獄逮繫月餘拳桎跪於庭五日三訊三杖而斃時霾霧四塞晝晦如夜水溢內海子玉河七鐵柱齊折如斬僉曰此乃天意示變也初震之在獄也病創方劇乃與黃公鞏講易九卦以明處憂患之道其從容就義如此世宗卽位首詔贈太常寺少卿遣使諭祭錄其子體仁有司爲立專祠祀之賜額曰褒忠

江西巡撫孫德成燧

子堪墀附

孫燧字德成餘姚人弘治癸丑進士自刑部郎歷藩臬並以廉幹著聲時宸濠逆謀日露朝議選才節大臣摧



其機牙擢副都御史巡撫江西燧聞命歎曰投艱於我死生以之携二家僮入南昌南昌洵洵謂宸濠旦暮得為皇帝諸省臣附黨及羣賊依附者相助為聲勢燧左右盡宸濠心腹言動輒告宸濠先是宸濠中傷胡世寧下詔獄燧力為湔雪得不死至是雖逆謀有迹顧宗室不敢先事訟言但託禦他寇曲為備首城進賢又城南康又城瑞州南康安義鄉者盜賊淵藪近割地開為縣饒撫二府罷兵備燧曰緩急曷倚奏復饒撫兵備不果復又請勅湖東道分巡兼理兵備與饒相為犄角九江當湖衝最為要害請重兵備權兼攝南康寧州武寧瑞昌及湖廣興國通城廣信橫峯青山諸窰地險人悍設通判駐其地兼督六縣又恐宸濠一旦起劫兵器假以討賊盡出會城兵器外府凡七上疏言宸濠必反輒為奸黨所邀匿勿得達即達上又為諸權倖盜致宸濠所索金壁謝不得已乞休又不允積憂勞數月髭髮盡白十三年江西大水宸濠所畜賊凌十一吳十三閔廿四出沒鄱陽湖行劫燧與按察副使許逵議調兵勦之三賊遁沙井去燧出不意乘夜出江外掩捕遇大風雨



不克濟。三賊竟走匿宸濠林墓中，不可踪跡。時御史蕭淮發宸濠反狀，朝廷遣重臣卽訊。宸濠懼，將舉兵。會生辰宴官屬，明日入謝。宸濠伏諸兵校幕中，出立露臺上，宣言太后密旨，詔我監國。燧毅然曰：「安得有密旨者？」卽有密旨，何不宣讀？濠厲聲曰：「毋多言，我取南京，汝保駕否？」燧益怒，瞋目直視。濠曰：「天無二日，國無二王。」太祖法制在，誰敢違者？濠怒，却入殿中，易戎服以出。幕中兵皆起，露刃環立。濠大呼罵曰：「我何負於汝？汝奏我七本。」燧曰：「朝廷何負於汝？汝反耶？」濠大怒，喝武士縛燧。一時僚屬皆駭愕，相顧股栗，不敢出聲。獨副使許逵奮起，爭曰：「孫巡撫朝廷大臣，安得無禮？濠命并縛逵，押出惠民門外，斬之。皆挺立不屈，罵不絕口。死。宸濠竟用三賊爲爪牙，僞稱將軍，首遣婁伯招誘賊黨，至進賢。知縣劉源清斬伯，乘城拒守。宸濠又遣人招窰賊，窰賊有官司在，不得發。又大索兵器城中，不得賊，不得兵器，皆持梃竿。比至安慶，王守仁起義兵，擒宸濠湖中。諸逋賊至安義縣，有守吏不能走，故盡獲。湖廣浙江以饒撫故，不被賊禍。皆由燧先事設機，發必中的。是以後起者得擒賊如



探囊、顧死難者久之、阻於佞倖、未得褒贈、至嘉靖元年、始贈禮部尚書、謚忠烈、立祠祀江西、錄其子世錦衣千戶、先是弘治壬子、浙試場夜半、見二巨人、衣緋綠、東西立、大言曰、三人好作事、忽不見、已而燧與王守仁、胡世寧同舉、及濠之變、胡發之、孫死之、王卒戡定之、世以爲偉談、忠烈公三子、堪、墀、陞、堪以父廕、官錦衣、中武舉、第一、歷都督僉事、贈都督同知、初聞父訃、慟哭、挾刃、率二弟赴之、會濠已擒、乃扶柩歸葬廬墓、三年有芝產墓上、已而奉母楊夫人就養京師、日率二弟伺顏色、拜跪起居、務盡其歡、而當退處、痛其父、淚時時霑臆也、及楊夫人考終、已九十餘、堪亦踰七十矣、竟以哀毀骨立、卒於途、撫臣上其事、詔特以孝子旌之、墀領鄉薦、以文學入典內制、終尚寶司卿、其孝友無間於弟昆、陞自有傳、孫氏父子兄弟間文武忠孝、尤世所希、儼云、

裕州同知郁亮之采

郁采字亮之、山陰人、少刻苦向學、有節槩、正德戊辰登進士、授刑部主事、不能阿部長、部長附吏議、奏謫大名教授、稍遷裕州同知、適流賊起河北、殘破州縣、勢甚熾、



采身率裕人繕城以待賊至裕守欲弃城走采曰毋爲民望乃身先登陴矢石四下賊避城而營則又遣人潛俘其醜手劔之洒淚以激州人州人感且泣人人願效死賊稍稍引去采計其必復來益練兵厚爲備令人昇妻女托其友儀賓莊士雋且與訣曰脫賊再至采必死所欲以家累累君者恐重傷老母心也莊館其妻女於母所已而賊果擁衆譟呼至守益怖欲走采曰毋恐西南城塹河也寇難近屬公東北平淺易破有采在左右知采必死謂曰母在奈何死采曰止魯是偷生以爲孝乎賊攻東郭不克守開西門潛遁去賊乘之入采還救巷戰被執罵不休賊裂其口輔殘其體事聞詔贈光祿寺少卿命一子入監采無子子其弟東之子翀采旣死賊據裕二旬乃退莊率其家人於藁尸中辨其骸而歛之已而奉其柩及其妻女罄家泣送以行唐王大書忠節二字以旌之采所著有蘭州集毀於賊手獨六思詩及賊退古詩數篇莊收之故傳莊嘗有詩挽之云身後春秋有是非路人爭以口爲碑重於岱嶽捐生日怒若雷霆罵賊時那忍范滂猶有母尚憐伯道竟無兒皇天



我墮睢陽。淚半月。荒城未裹尸。采誠忠臣莊亦義士也。哉。  
朱知縣士亨。少有志操。由薦舉任交趾那岸縣知縣。以中原禮義之化。教誨其人俗。爲之變。交趾陷。欲脅之降。慢罵不屈而死。

永福知縣周克光煥

周煥字克光。浦江人。資性穎悟。博學能文章。居家以孝友稱。嘉靖戊午。由貢授福建永福縣知縣。居官兩月。倭寇猖獗。攻陷郡邑城池。所至風靡。煥率民兵晝夜督戰。斬獲百餘級。賊退憤甚。益衆并攻。煥勵志堅守。月餘力竭。糧盡。外援不至。城陷。猶喋血巷戰。死之時。一家死者八人。福民自於上官立祠特祀。扁其額曰忠勇。

僉事王汝修德

王德字汝修。永嘉人。弱冠成甲第。授東昌府推官。父艱服闋。補大名兩司雄郡理。以一切治辦稱。擢給事中。卽勸上簡內閣輔臣。失執政意。時北虜闖入內地。薄京畿。德上方略十餘事。當上青。比奏卽報。可出募兵山



東爲諸道最縉紳士大夫交口推其才謂可當一面而德亦誓以死報國會新太宰上事德授刺少殺其禮太宰以爲強項而惡之遂承執政指出德爲廣東按察司僉事德所募山東兵精甚每自恨不得以其兵當虜一面而其僉事嶺南也數選練驍銳以軍法約束之身入諸徭寨所傷殺捕鹵過當歸適有倭亂乃納太夫人城中而從其宗人豪散資財募兵爲募井捍嘗一再敗之斬首獲生以數十計最後雖擊敗賊然失其豪以是憤志奮益前冀復豪仇而郡援不至兵遂敗德猶手射殺數人罵賊以死賊自是奪氣卒不敢越德鄉而薄郡郡賴以完事聞天子嘉其誼贈太僕少卿賜祠春秋祭額曰愍忠官其子一人錦衣百戶世世勿絕

姚長子

姚長子者會稽人也嘉靖乙卯倭寇自諸暨突入郡境獲長子貫其肘使爲導長子乃給之西而密呼鄉人曰俟我過某橋若等亟撤之我引賊入絕地可悉就擒我死不恨已而果陷賊於化人壇四面皆水我兵截其後賊知爲所給殺長子挫其尸賊百三十餘人乃盡殲於



忠烈 卷之八  
此鄉人立祠祀長子於死所。刻有三十餘人。蓋其

義士汪較

汪較奉化人也。力挽強弩。尤精矢藥。安刃俱習。有司上於軍門。賜以義士關防。嘉靖壬子夏。倭寇入奉化。應家溯較率兵射斃十餘倭。倭創艾遁去。較竟被傷以亡。當道命有司營葬。表其門曰義士之門。

魏鏡

魏鏡慈谿人。生有絕力。善格鬥。聞倭寇至海濱。輒自奮曰。誰無死者。死而能衛桑梓。庶幾爲義鬼矣。乙卯賊由餘姚至鳴鶴縣。令曹本率衆禦之。兵敗。鏡負縣令脫走。賊復追之。踰社湖嶺而南。鏡乃操刀衝殺數賊。賊斫傷其額。猶憤怒。力聞竟死。縣令爲之灑泣爲文祭之。

吳德四

弟德六附

吳德四慈谿人。海濱農夫也。倭上平石。經其廬。驅其豕。德四持鋤自田歸。遇倭於門。揮鋤中其腦。仆地。弟德六取倭刃。追殺一魁。遂以壯勇有聲。隸杜槐部。每遇寇。卽衝鋒奪旗。以爲常。海道知其名。檄往攻舟山險寨。德四直前砍賊渠於轅門。寨內驚擾。噪而出怯。卒皆返旆。



走而賊斫德四蹶。德六奮呼曰：「兄死矣，獨前殺其殺兄者。」後兵不繼，六亦死。賊渠被戕，寨不能守，卒爲官兵所破。

### 葉七

葉七者，定海衛軍也。賊渠王直，負金塘烈港穴爲寇。大將俞大猷提冊師直入其港，討擊火砲橫發，火焰漲天，勝負未分。而我舟忽挂賊纜，櫓楫不能施。賊衆方逞，七徑取斧投水，砍其纜，未及斷。賊以矛刺七，貫其頂。七大呼曰：「死矣，吾必斷其纜。」連揮數斧，纜斷而沉舟，遂免。後四日，大猷卒破賊而空其穴，以不得七尸爲恨，厚卹其家，爲招魂而葬之。

### 蔡啓元

弟昆元附

蔡啓元，以良家子勤王，擊倭奴，累戰功，授千夫長。嘉靖三十八年三月丁酉，我兵當賊於奉化之江口橋，行列已定，鼓而向賊。隊士俱錯愕不前，啓元獨奮怒，裂眦罵不休。徑匹馬縱橫而前，與賊逼。賊駭，或走或伏。啓元手格殺數人，會天新雨，馬行淖潦中，不得出力。盡矢，空顧左右皆散去。僅弟昆元與二三家，僮不去。啓元怒益甚。



史記 卷之八  
聖  
瞋目揮劍罵賊曰吾不啖汝肉非夫也獨殊死戰良久賊乘間涉河繞其背刺之死踰時猶怒立馬上不墜人共壯之軍門命有司具棺斂給貲歸其喪

杜茂卿槐

父文明附

杜槐字茂卿慈谿人家濱海倜儻游俠輕財好施少游塞上歷訪邊徼險要有抵掌伊吾之志比歸而值倭寇屢犯內地從估客得島上狡慝狀曰是將滋蔓遂散家貲結驍勇傾身下之得士死力癸丑寇薄觀海衛城槐曰衛破卽無縣矣一呼而羣勇俱集直前砍賊賊走衛遂得全乙卯五月賊又犯鳴鶴槐率衆迎擊賊走餘姚東山槐越境追之適賊飯空舍中槐提刀直入賊伏墻隅揮刃中石刃缺內賊兢出槐與五六健卒提缺刃當之自午至酉鏖戰不已戮其渠并從賊三十二人竟以飢疲力竭昇歸而絕後賊見黑旗卽驚遁曰杜兵至矣父文明痛其子死其麾下壯士皆願從文明殺賊以復讐未幾賊燬鳴鶴文明冒死出曹令於重圍之中是年冬寇自黃巖犯寧海文明偕畢主簿統兵遮要遇寇於奉化楓嶺之麓據高臨下布陣方定而生兵遽走杜兵







定海文學我良翰

我良翰定海縣學博士弟子也資性峻介義不苟合素以忠孝自期每讀書扼腕輒投其筆曰班定遠何人能以拘儒終哉識者以功名期之嘉靖丙辰倭夷大掠內地遂陷慈谿良翰家靈緒去慈壤甚邈乃倡義集鄉中子弟拳勇者部署之得百餘人傾家貲市牛酒與共酣飲擲盃大呼挺戈而前直與賊搏力斬二級賊披靡去復呼子弟輩飲其餘瀝顧賊去未遠恐貽禍隣邑誓盡殄之乃已遂率衆追之與賊遇於丘洋良翰攘臂一呼目眦盡裂奮戈力戰賊懲前勦益其衆張兩翼而來遶出於後腹背夾攻矢如雨集良翰力不支爲流矢所中死猶怒目握戈僵立不仆賊不敢逼而遁監司爲之禮葬且表其門云

饒州府判秦仲文碧

秦碧字仲文慈谿人少博學工文辭領弘治己酉鄉薦屢上春官不第謁選得江西饒州府通判著廉能聲會萬年縣姚源賊反勢猖獗甚督撫陳金討平之其黨尚衆而巨魁王重七等陽聽招撫實懷異志碧受檄署萬



年時縣治初建百務草創史胥皆爲賊耳目上下洶洶碧苦心經畫衆稍戢而兵使李情謂亂民宜重典特用嚴罰繩之益不能堪遂復叛殺兵使縣佐指揮等官幾十人碧亦被執賊帥號於衆曰秦爺清庶好官不可害碧厲聲罵曰我朝廷命官豈向賊奴求活耶汝不敢殺我我必寸斬汝矣因顧左右曰官兵何在賊驚疑有伏遂遇害時正德癸酉十月也事聞詔立祠旌忠廕一子散官議贈謚未果士論至今惜之後從姪中丞鉞撫江西爲文祭祠下忽有風霾之異人謂其精靈不朽云

江西左叅議黃德裕宏

黃宏字德裕其先爲鄞人國初有名子良者從戍於京隸羽林右衛改隸孝陵常往來應天之六合因家焉起家進士爲萬安縣知縣以撥煩著調泰和徵入爲戶部主事乞便養改南京刑部主事調戶禮二部歷員外郎郎中出爲江西布政司左叅議會從賊作亂上命都御史王守仁統兵征之守仁知宏才檄監軍督饒有功捷聞詔加俸一等賊閔廿四等旣降復恃逆濠爲營窟剽掠九江上下莫敢誰何宏毅然發兵捕之獲其輜重



以歸。逆濠之將反也。先一日。假賀生辰。留宴撫按藩臬。諸司官。次日。伏甲官中。伺衆官入。謝遂殺都御史孫燧。兵備副使許逵。而脇囚諸官。宏遂械繫入獄。逆濠重其才。遣人入獄。說使同謀。宏瞋目大罵曰。恨吾手中無刃。不能立磔此賊。奈何。欲廼公。從逆乎。遂忿恚不食。死時年五十。逆濠心重之。加棺斂焉。初。逆濠久蓄異志。士大夫常相對以爲憂。宏獨正色曰。國家不幸有此。我輩守土之官。惟有死而已。至是卒以遂志。宏作宦始終於江西。惠流威暢。一死尤爲得正。士人至今不忘。祀於南贛者。曰二公。祠祀於南昌者。曰旌忠。而朝廷追念死事。贈爲太常少卿云。子二。紹文。紹武。宏旣死。紹文聞訃。赴難。比至。難解。求得棺。委頓方甍。以棺出。僞命。亟易去。扶歸。君子多其識。

江陰縣知縣錢鳴叔錚

錢錚字鳴叔。其先吳興之安吉人。七世祖喜。興國初。以功授荊州百戶。已徙承天。護顯陵。而錚家在荊州。遂以荊州籍。領嘉靖己酉鄉薦。庚戌登進士第。出知江陰。錚性剛果。遇事敢爲。時倭夷亂浙東。朝廷置督撫大臣鎮



之。錚度浙直唇齒地，彼有備，賊必西向，亟請繕城待之。明年癸丑，城成而賊果犯蕪松。又明年甲寅四月，賊掠江陰，錚遣兵逆之斜橋，三戰却之，賊不敢偏城，退營於定山。會歲侵，江陰羣盜亦起，錚恐其翼賊，稍招輯之，誅其魁而解散其餘黨。是年冬，賊據柘林，明年乙卯春，賊自柘林入三丈浦，騰陸疾趨青陽鎮，已賊艘在三丈浦者，爲叅政任環所燔，乃奪民艘南趨無錫，攻城不克，又還趨江陰，錚禦之於石撞，矢盡，繼以瓦礫，錚被創殊死，聞賊遂遁去。錚策賊意未滿，當復來，預營華墅而陳，賊果復來，官兵斬首九級，相拒久之，死傷略相當，乃更合常熟賊三千人，析其半寇靖江，而餘航蔡港入偏城，錚業領檄援靖江，得報，亟還江陰，賊已渡大橋，明日攻城，城守固，賊移營蔡涇，距城九里，焚掠四野，烟焰蔽天，錚從城上望見，瞋目誓曰：「翦屠烈矣，奈何與此賊俱生耶？」乃騎而背城決死戰，時狼兵與所募甲卒僅千人，先是狼兵驕，錚以法折之，至是乘其薄，賊故望風潰走，錚自督其所從卒血戰良久，錚忽被創墜馬，復躍而上，他賊復從旁戟之下，死焉。時六月十三日也。明日，縣人求錚。



屍雜莽間，不得有識其印囊於肘者，輿之歸緝其殊，始成歛。事聞，詔贈錚光祿寺少卿，蔭一子，世錦衣百戶。立祠江上，歲以春秋祀。錚死年三十有一。

常熟縣知縣王德威鈇

錢泮附

王鈇字德威，東陽人。以戍徙順天左驤衛，遂家京師。鈇自爲諸生時，倜儻有大志，所與游皆四方豪雋，談論好稱奇節。常目笑咕咕，豎儒不足共天下事。嘉靖庚子舉於鄉，庚戌登進士第，會胡騎薄京圍，鈇盛氣白大司馬願提三尺從行，間擊虜都人士壯之。尋上命如楚，封

八大王，道東陽上先人家，具酒食大會族里，意氣逸甚。未幾拜常熟令，邑海壖大豪多數亡命作姦，監司檄收之。鈇曰：網疎則魚漏，繩急則麀驚，招之便亡，何諸大豪躡踵至。鈇盡貫其罪，俾隸署中爲爪牙。歲癸丑，島夷入寇，其中震動。鈇語諸大豪曰：爾輩罪百，吾不卽爾刑，以有緩急也。倘一日寇來，爾輩何以報我。咸曰：願效死。鈇乃立爲耆長，俾部署子弟得數百人，合邑中素練士教射，列陳至盱，食命工利兵械，試以擊刺，無不應手糜者。邑故無城，鈇請監司城之。甫興役，寇犯福山，且內向市。



人惶急走。鉄擁衆壁野，誓以死禦。賊知有備，引去。鉄乃親執，扶行築。凡三月而城成。明年夏四月，賊由故道入薄城北，矢礮交下。賊稍稍去。鉄曰：「賊來未創也，而去其懈我耳。」倍繕具待之。詰旦，賊果突至。鉄督兵出間道接戰，斬首數級。賊潰走。五月，復入。三丈浦大掠。鉄馳羽書乞援，備兵任環統。苗卒應鉄比戰，大捷，斬首百五十級。生縛七人，溺死者不可勝數。吳越申論剿寇功，輒以三丈浦爲冠。自是鉄料賊必不敢復犯我，卽犯，成擒矣。明年夏五月，賊掠旁邑。方舟從吳門，向上湖還海上。鉄按劍起曰：「最虜乃尚敢涉吾地耶？吾不能坐令陽陽去。時叅藩錢泮居憂於家，素善射。初寇至，從鉄登陴，偶而射相顧，沾沾喜。至是泮從吏之。鉄益奮倉卒，召諸耆長各率所部，揚小艇數十追躡。賊偵我入隘中，出不意夾攻我。時獨耆長數人從鉄前，諸健兒皆後。數人者力闚死。鉄奮擊及濇，不克進。怒髮上指，瞋目大呼，而刃割腹中矣。泮亦闚而死。鉄時年四十二。監司列其狀聞於上。詔贈太僕寺少卿，製文遣祭，賜長子汝祐錦衣衛百戶。世勿絕。



錢洋字鳴教。世爲臨安人。裔出吳越王鏐。南渡時徙居常熟。遂爲常熟人。登嘉靖乙未進士第。由侯官縣知縣。歷官陝西按察副使。以內艱家居。時倭夷爲三吳患。鹵掠焚劫。多所殺傷。而常熟濱海。帶湖。罹禍尤慘。洋謁令鉄。語之曰。寇旣得志。勢必復來。公有守土之責。而吾父母之邦墳墓親戚所在。忍坐視也。乃日與商略。爲備禦計。練兵飭甲。部分調遣。事甫就緒。而寇猝至城下。卽與鉄率衆急擊。連弩繼發。寇乃遁去。又明日寇自上湖北下。直指讓港。洋謂鉄曰。此可邀而擊也。部領民兵抗旌出港。轉戰而前。殺傷相當。俄而賊大衆掩至。洋麾下鳥獸散。衆寡不敵。身被數創。猶手刃三賊。遂與鉄同死焉。是乙卯五月廿有四日也。嗚呼。承平日久。所在備弛。兵興以來。並海州縣。徃徃閉城自守。或不發一矢。而洋非有官守。未始受命征討。徒以桑梓之故。慷慨激發。摧鋒陷陣。竟以身殉。豈不誠義烈也哉。事聞。天子震悼。贈卹之典。悉與鉄等。復遣官諭祭於其家。

永福縣知縣周克光煥

周煥字克光。浦江人。資性穎悟。博學能文章。居家以孝。



友稱嘉靖戊午由貢授福建永福縣知縣居官兩月倭奴內犯攻陷郡邑城池所至風靡煥率民兵晝夜督戰斬獲百餘級賊退憤甚益衆併攻煥勵志堅守月餘力竭糧盡外援不至倭乃攀堞而入煥揮刀躍馬率敢死之士喋血巷戰力不支爲倭所害時一家死者八人事平福民自於上官奏請特祠旌其額曰忠勇

附世胄名賢

萬文質斌

子鍾孫武文附

萬斌字文質其先定遠人也沉靜尚志節元季海內擾

亂斌仗劍從

太祖克滁和真三州授副千戶鎮滁洪

武紀元調永平三年征沙漠大戰於阿魯完河死於敵

長子鍾字榮祿襲副千戶十七年守禦定海累策軍功

二十八年陞寧波衛指揮僉事三十二年從征花園亦

死於敵孫武字世忠繼鍾僉寧波衛事永樂六年從黔

國征南蠻又力戰而死文字世學事母至孝十年承兄



職十六年日本寇邊率海艦追斬盜首若干級明年轉  
禦桃渚忽颶風破舟溺焉一門四世皆死國事論者多  
之十八年對

遼東都司都指揮同知李任

李任金華永康人洪武中襲父爵爲燕山右衛指揮僉  
事從太宗皇帝起兵靖難以功陞遼東都司都指揮  
同知鎮守彰德宣德元年從征叛賊黎利守昌江賊旣  
獲都督蔡福逼令福至昌江城下呼任等速降任於城  
上罵福曰汝爲大臣不能殺賊反爲賊用狗彘不若用

銳擊之賊懼擁福去遂大集兵象樹雲梯四面夾攻任  
與顧福等留老弱婦女守城率精銳出擊賊燒其攻具  
賊又築壘射城中任夜出襲其營破之賊掘地洞欲潛  
入任開橫溝用將軍石擊之入者輒死城中士卒初有  
二千餘人前後三十餘戰至是死亡過半賊益兵象攻  
圍日急相拒凡九閱月人力疲困芻糧匱乏賊遂陷城  
而入任福率死士巷戰三敗之賊擁象益兵而入任福  
力不支皆自刎死時宣德三年五月也內官馮智指揮  
劉順知府劉子輔俱自縊死城中軍民婦女不受屈辱



自殺者數千人

崔有本源 二弟澄清附

崔源字有本世家雲中天性孝友深沉有智襲寧波衛指揮同知蒞政老成人不敢于以私正統十三年閩浙盜起從總兵寧陽侯勦捕累獲奇功檄禦金華殺賊一十七級生擒陳唐奇等五十人解京功陞署浙江都指揮僉事改檄武義一日火發連營源倉卒遇敵時仲弟澄季弟清從在營中源曰事急矣我當死之弟可自爲計卽應聲曰兄旣死忠我乃不能死義乎遂挺身而前皆力戰死朝廷憫之遣官賜祭俾其子胤世襲焉

寧海所副千戶呂守誠忠

呂忠字守誠其先廬州人革除末從征有功世襲海寧所副千戶至忠承父官慷慨有爲正德八年江西姚源洞賊王浩八作亂流劫浙東諸邑當道檄忠率兵勦捕忠聞令拜辭其母顧謂妻鄭曰吾母在汝宜謹事之爲臣死忠吾不暇內顧矣行至開化守華埠賊衆突至部卒勸曰賊勢甚盛可避之忠怒提刀砮其背曰朝廷養兵百餘年一旦忍忘之耶於是直前擣賊射殺數十人



孤軍無援被賊攢刺墜馬死事聞陞其子官一級  
黃巖騎兵林文貴  
林文貴台之黃巖騎兵也從千戶呂忠征姚源洞賊賊  
衆猝至忠力戰死衆遂奔潰文貴厲聲大呼曰不可負  
主獨挺長鎗刺賊賊擁衆擒之脅使降文貴怒罵曰我  
是朝廷命軍豈從爾賊賊縛貴於樹罵不絕口剖腹刳  
心而死事見許杞山死事傳邑人董灃詩曰風酸日薄  
牙旗倒華埠溪腥流血曉林生被縛心如鐵膝不可屈  
頭可截罵賊高聲箭滿身續得千年杲卿舌古來監官  
重豪傑睢陽之風猶慄烈主公呂侯同死節一介草茅  
復誰說於乎施全亦側微吳山香火今猶蕪

### 陳表

陳表昌國百戶也嘉靖癸丑倭寇入城表曰吾力無如  
之何有死而已但所攝印多我死置印何地邪遂送母  
出城納印於千戶金鏊出門追賊奮鬪而死

### 火德光

火德光觀海衛火指揮次子也中浙江武舉率海舟與  
倭賊戰賊灼火毬拋德光舟德光輒手接之還投賊舟



賊衆殲焉人皆異之由是屢立奇功誓不與賊俱生賊屯普陀山率衆直擣賊營力屈爲賊肢解投海中

### 宋汝觀應瀾

宋應瀾字汝觀寧波衛百戶中嘉靖庚戌武舉授正千戶掌印事執法不撓因每得下考軍門王忬獨奇之命取兵冊於閩應期而至忬益委以兵寄客兵獷悍難馭應瀾每約已裕犒而厲以軍法無不戢心聽命癸丑隸叅將盧鏜爲先鋒戰上海史家浜追賊至海寧二十里亭復從戰平湖戰白沙灣戰金山皆有功其戰史家浜也兵北賊追幾及應瀾急反弓發二矢皆中賊項貫其額親兵復飛鎗殺四人因迴戈大破之應瀾用是臨戰必身先士卒竟以疲兵猝與賊遇於海鹽之孟家堰不支而死死時猶飛刀殺一賊乃絕事聞廕其子襲千戶仍建祠城北隅祀之

秦彪

弟漢附

秦彪爵溪所百戶嘉靖壬子倭賊登赤坎攻游仙寨甚急彪曰游仙與爵溪唇齒無游仙是無爵溪也先人遺我汗馬勲不死戰而死法何以見於地下乎乃與弟漢



疾馳赴圍力不能支遂俱死焉。次年三月倭寇陷昌國。時致仕指揮吳彰携妻子避去以死事囑其子道南。頃見其來驚曰若復來邪。失城守者死無赦。盍不爲忠義鬼乎。道南俛首不答。彰乃陰使其友人雅善者百方說之。不從。竟死於法。論者每以秦彪事責之。

葉朝佩紳

韓縉附

葉紳字朝佩寧波衛百戶少不羈習手搏善雙刀嘉靖乙卯五月倭寇五十餘人流入橫石橋紳偕千戶劉英領兵策應至七里店紳奮雙刀躍馬奪橋獨進應者不繼遂爲所殺後二日賊西流至樟村千戶韓縉復領兵防遏粹與賊交從兵皆散走縉挺身獨戰死之。

劉大昌隆

劉隆字大昌定海衛指揮使以強幹屢協總諸衛備倭時海上寇起許二陳思盼最盛隆畫謀攻賊卒平思盼後賊入庾頭隆提舟師薄之而我舟忽膠隆腹中一矢益奮怒鏖戰賊少却遂揮諸舟競進卒破賊俘四十餘人斬首百餘級嘉靖壬子遷把總嘉興統舟師備乍澉二浦當松江七團賊歸隆扼之焚沉賊舟俘斬首虜二



忠烈 卷之八  
百餘後會破史家浜賊。隆又扼之。沉賊舟激浦外洋。一日追賊向暮。黃霧四塞。隆以孤舟在賊圍中。逮曉從兵皆懼。隆大喊作氣。手發一地雷。衝十數舟。復殲二舟。俘斬復二百餘。陞署都指揮僉事。守備溫處。乙卯倭寇數百。將薄瑞安縣。隆整兵遽出。欲折其鋒。偏將尹千戶請旋師避之。隆不聽。徑往遏之。殺十餘賊。賊遁去。迴軍至田間。有數賊伏莽中。突起擊隆。隆不及應。遂及尹千戶俱死。事聞。贈都指揮僉事。仍與世襲。

劉大光烱

劉烱字大光。世爲寧波衛指揮使。年二十襲父爵。用薦陞贛州軍門把總。未幾陞福建備倭總督。嘉靖三十五年三月。福清縣倭賊登岸。盤據海口鎮。官兵屢挫。烱領兵夜襲其巢。賊遂奔潰。由古田寧德望海而遁。烱卽提兵由捷徑宵行。趨寧德縣石壁嶺要賊逸路。比至嶺隘。倉卒布列未整。而賊已至。部伍散亂。止家兵數人在側。烱顧懷印者曰。亟去爲我保此印歸朝廷。吾世受國恩死矣。烱卽挺身執鐵鈚格殺三賊。力盡無援。賊衆擁至。斃於賊刃。所揮鐵鈚尚堅。執不墮。其勇烈如此。御史吉



澄上於朝立廟祀之

海寧衛馬呈圖

姚弘采煉滿朝徐行健李元律附

馬呈圖海寧衛指揮嘉靖三十一年五月倭犯海鹽新塘嘴呈圖聞報卽統衛卒同把總王應麟奮勇攻擊生擒二十四倭餘賊驚遁縣境獲安次年四月倭酋八大王者自青村登岸轉掠金山白沙灣所犯官軍俱經摧敗呈圖提兵出城與賊鏖戰良久忽大風揚沙官軍驚潰呈圖奮不顧直入賊圍身被三十餘創死當是時倭寇被東南而海鹽最烈一時死事之賢繼呈圖而起者若姚弘采煉滿朝徐行健李元律諸人皆海寧衛世祿之胄能臨難不避慷慨樹節齒刃若飴以報國恩卽古烈士何以加焉今城北立祠合祀之題其額曰英烈蓋鼓勇作忠以勸來者於不倦云爾

兩浙名賢錄卷之八終



兩浙名賢錄卷九目次

漢獨行

富春公錢讓

倉曹掾戴景成就

主簿鄭仲興雲

楊尚書喬

三國吳

功曹邵温伯疇

晉

卓公行恕

太尉鄭巨君弘

主簿梁宏實

高孔文岱

主簿

孫文



晉司馬孫顯世孫  
費慈宰  
意附

孫文度畧

功曹史孔承祖祗

李祥

宋齊梁陳

嚴世期

河南尹韓德茂晏

范義叔孫典雲

丘彥先景賓

范伯珪元琰

沈處默顓

吳達

隋

司馬姚士會最

唐

丘庶子為

陸洗馬南金

禮部尚書羅景宣讓

五代

褚玄道雅

宋

侍御史江漢臣景防

進士馮公初制

司法葉杲卿曙

黃仲驤振

衛輔之公佐

弟公寬  
公望附

吳孜



吳福

典國司理賈元範如規

江統領渙

陳德高

黃巨濟汝楫

楊大同

王朝奉允卿

子唐珪附

劉進之愈

縉雲丞喻伯強南強

通判邵武州薛子周洽

楊時庭顯

吳起之作禮

長興丞曹文起沂

德清尉潘和叔景夔

陳光庭

國子監錄事王彥古漢英

姚君俞獻可

太學吳彥成圭

汪時發大度

弟大章附

盧崑民

葉會之大同

胡蕪一麒

特奏狀元吳道叟公轍

黃青陽叔言

李嘉仲猷

豐宅之有俊

袁昇

陳惠卿祖

從孫雷附

陳關門柔

何長者達

徐正卿端臣

張教授仲淳

朱孔目承逸

顧潤之德玉

劉敬先儼

徐臻



潘敏脩好古

唐玉潛珏

泉州教授林德賜景熙

將作監簿王才翁英孫

元

茂林逸叟葉貫道

翰林掌書劉浚登濠

水西翁呂仲修汲

童子丹金

陳志寧

諸暨州判官俞時中器之

方鑑

劉十三

趙孟治

子由  
鍾附

樂君道大原

孫良附

宣子玄初

黃熙安純裕

黃新

潘生

陳成甫紹

孫泰然宣

劉韶父大音

子剛附

吳長卿宗元

二

兩浙名賢錄卷九目次終



兩浙名賢錄卷之九

東海徐象梅仲和氏讓

四明薛岡千仞氏閱

獨行

漢 共八人

富春公錢讓

錢讓彭祖五十世孫也世居吳興時吳郡太守薛固爲法吏所枉詔付廷尉讓携同郡婁縣卜崇詣闕稱寃廷尉收讓拷竟楚毒備至而讓辭色不撓遂囚於圜土守



之以兵讓恬。然自若。枉聲彌厲。天子竒其節。而用之。積功封富春公。食邑五千戶。卒。謚曰哀。

陳囂。山陰人也。與紀伯爲隣。竊囂藩地。以自益。囂不較。益徙地與之。伯慚悔。歸所侵地。囂辭不受。遂爲大路。鴻嘉中。太守周尹刻石旌之。號曰義里。吳虞翻嘗稱其漁則化盜。居則讓隣。感侵退藩。遂成義里。今俗稱讓簷街云。

### 倉曹掾戴景成就

戴就。字景成。上虞人。仕郡倉曹掾。楊州刺史歐陽參奏太守朱公浮賊罪。遣部從事薛安收就於錢唐獄。幽囚拷掠五毒。參至就。慨慷直辭。顏色不變。主者窮極慘酷。無復餘方。至卧就覆船下。以馬通薰之。一夜二日。皆謂已死。發船視之。就方張眼。罵曰。何不益火而使滅絕。主者白安。安呼見就。謂曰。太守罪穢狼籍。受命拷實。君何故以骨肉拒扞耶。就據地答言。太守剖符大臣。當以死報國。卿雖銜命。固宜中斷。寃毒奈何。誣枉忠良。強相掠理。令臣謗其君子。證其義。就考死之日。當白於天。如蒙



生全亦手刃相裂安奇其壯節卽解械表釋郡事浮徵  
還京師後太守劉寵舉就孝廉病卒

太尉鄭巨君弘

鄭弘字巨君山陰人少爲鄉嗇夫太守第五倫行春見  
而奇之召署督郵舉孝廉弘師同郡河東太守焦贛楚  
王英謀反發覺連及贛贛被收捕疾病道亡妻子被繫  
詔獄掠拷連年諸生故人懼相連及皆改變名姓以逃  
其禍弘獨詣闕上章爲贛訟罪顯宗覺悟卽赦其家屬  
弘躬送贛喪及妻子還鄉里由是顯名拜爲鄒令政有  
仁惠民稱蘓息遷淮陰太守元和初拜太尉弘前後所  
陳有補益王政者皆著之南宮以爲故事

主簿鄭仲興雲

鄭雲字仲興寧波人學韓詩公羊春秋與梁宏俱爲吳  
郡太守尹興主簿興以楚王英謀反事覺被收并雲下  
洛陽獄雲篤始終之義明興非辜不以拷掠誣服竟獄  
死後使者以陸續母具食事陰嘉之上書說行狀乃赦  
興等放還鄉里禁錮終身雲旣死乃旌表門閭

主簿梁宏



梁宏少隱海隅有盛名吳郡太守尹興辟爲主簿楚王英謀反陰疏天下善士及事覺顯宗得其錄有尹興名乃徵詣廷尉獄宏與門下掾陸續功曹史駟勳及掾史五百餘人詣洛陽獄就考諸吏不堪痛楚死者大半惟宏與續勳拷掠肌肉消爛終無異辭後以陸續事得釋放歸田里

### 楊尚書喬

楊喬本河東人高祖茂從光武爲威寇將軍封烏傷新陽鄉侯建武中就國傳三世以罪國除因家焉父扶字聖儀爲武源令遷交趾刺史喬爲尚書儀容偉麗數直言政事嘗疏薦合浦孟嘗異政竇武表薦張穡及喬等文質彬彬明達國典桓帝愛其才額詔妻以公主固辭不聽遂閉口不食七日卒方孝儒贊曰人之器量有小有大或盜一錢或讓天下天下雖大一錢之積觀其用心大者可識吾謂楊喬可爲三公屈以非義萬鍾不從曷由知之有大人節帝女不娶利豈能奪其中所重在義與道視卓操輩穿窬之盜伊誰可方孺子之倫永言尚友卓哉二人



高孔文岱

高岱字孔文，吳郡會稽人也。受性聰達，輕財貴義。其友士拔竒，取於未顯。太守盛顯舉上計，孝廉許貢來領郡。與盛有郤，岱將憲避難於許昭家，身往求救於陶謙。謙未卽救，岱憔悴泣血，水漿不入口。謙感其忠壯，有申包胥之義，許爲出軍。先以書與貢，岱得謙書以還，而貢以囚其母，吳人大小皆爲危悚。以貢宿憤，往必見害。岱言在君則爲君，且母在牢獄，期於必往。若得入見，事自當解。遂通書自白，貢卽與相見，才辭敏捷，好自陳謝。貢登時出其母，初岱將見貢時，先語友人張允，令豫具船。以貢必悔，當追逐之。及出，便以母乘船易道而逃。貢湏臾果遣人追之，令追者若及於江上，便殺之。已過則止，使與岱錯道，遂免。後被讒，爲孫策所誅。時年三十餘。

三國吳

共二人

功曹邵溫伯疇

邵疇字溫伯，山陰人。爲郡功曹。孫皓時，太守郭誕以不白妖言被收，遑遽無以自明。疇進曰：「疇今在明府，何憂遂請吏上疇辭，皓怒猶盛。疇恐誕卒不免，遂自殺以證。」



之臨亡置辭曰疇生長邊陲不閑教道得以門資廁身  
本郡逾越儕類位極朝右不能贊揚盛化養之以福令  
妖訛橫興干國亂紀疇以嚙嗜之語本非事實雖家誦  
人詠不足有嫌天下重器而匹夫橫議疾其醜聲不忍  
聞見欲含垢藏疾不彰之翰筆鎮躁歸靜使之自息愚  
心勤勤每執斯旨故誕屈其所是默以見從此之爲愆  
實由於疇謹不敢逃死歸罪有司唯乞天鑒特垂清察  
吏收疇喪得辭以聞誕遂獲免皓嘉疇節義詔郡縣圖  
形廟堂

卓公行恕

卓恕字公行上虞人爲人篤信義然諾不苟與人期約  
雖暴風疾雨無有不至嘗從建業還會稽太傅諸葛恪  
問何時當復來恕期以某日至期恪與主人停食以須  
恕至時賓客會者皆以爲會稽建業相去千里道阻江  
潮風波難必豈得如期須臾恕至一座皆驚

晉 共四人

司馬孫顯世拯

費慈宰意附

孫拯字顯世富春人仕晉爲平原內史陸機司馬吳平



爲涿令時人孟玖弟超並爲成都王穎所寵超爲小都督縱兵大掠機戮其主者玖怒遂譖於穎言機有異志穎使人收機與弟雲俱遇害拯訟機冤因下獄拷掠兩踝骨見終不異辭門人費慈宰意二人詣獄明拯拯辭遣之曰吾義不可誣枉知故卿何宜復爾二人曰僕亦安忍負君拯遂死獄中玖并二人殺之

### 孫文度畧

孫畧字文度富春人伏波將軍秀曾孫也顧榮稱之薛兼曰此兒神明清審志氣正立非常童也及長孝敬清約學窮理奧每獨處幽暗之中容止瞻望未嘗傾邪雖侯家豐厚布衣蔬食躬親壅畝誦讀不廢視父母起居常饌不離左右兄篤疾經年躬親湯藥見人饑寒悉力周贍鄉里饋遺一無所受親故有窮老者禮遇曲全父無倦色有生刈其稻者畧見而避之鄉隣感媿不復侵犯司空何克司徒蔡謨交辟不就尚書張國明表薦公車特召卒年三十八朝野嗟痛之

### 功曹史孔承祖祇

孔祇字承祖會稽人車騎將軍愉之弟也太守周札命



爲功曹史。札旣爲沈克所害，故人賓吏莫敢近者，祇冒刃號哭，親行殯禮，送喪還義興。時人義之。

李祥

李祥，海鹽瓊城人也。少雄於力，知書史，每抱憤世疾邪之志。里中有爭鬪，倖犯者必折之，以義無少依，違人咸敬憚之。當晉隆安初，孫恩反海上，時時擾沿海，祥糾集鄉豪爲防禦計。四年，內史袁崧率兵討恩，祥挺身出從，協力築壘於滬瀆，相持五年。恩率舟驟至，崧與戰，死之。滬瀆遂陷，時祥不在。左右聞而奔至，死所突白刃收崧尸歸葬。時人義之，名祥所居之里曰教義里。

宋齊梁陳

共七人

嚴世期

嚴世期，山陰人，性好施。同里張邁等三人妻各產子，歲飢，欲不舉。世期分贍其乏，三子竝得成長。同縣俞陽妻莊，年九十，女蘭，年七十，竝老病無所依。世期贍之，二十一年死，竝殯葬。宗人嚴弘，鄉人潘伯等十五人，歲侵苧，死世期竝爲棺，歛撫其孤。宋元嘉四年，詔旌其門，復其身，蠲租稅十年。



河南尹韓德茂晏

韓晏字德茂東陽人以孝廉起家令永寧遷張掖太守至河南尹所至以仁惠稱方其上公車時遇盜於途抄掠俱盡及行數里見車下有絹數縑盜所遺者追而與之盜相顧感歎悉還所掠之物晏曰已爲君有非吾物也推而不受

范義叔孫

范叔孫錢唐人性仁厚里中疾疫躬持粥藥恤療之有父子兄弟同死者數家尸經旬莫收叔孫悉備棺槨殯瘞人呼范義孝建初辟竟陵王中軍不就

丘彥先景賓

丘景賓字彥先吳興人以節義聞父祖康任無錫令亡後僮僕數十人及宅宇畜產悉讓與兄震之震之推齋屋三間亦不肯受太守孔山士歎曰聞柳下惠之風貪夫廉懦夫有立志今復見之矣官終奉朝請

范伯珪元琰

范元琰字伯珪錢唐人父靈瑜居父憂以毀卒元琰時童孺哀慕盡禮及長好學博通經史性謙讓不以所長



驕人與人言常恐傷物居家不出城市獨居如對嚴賓見者莫不改容正色家貧唯以園蔬爲業嘗出行見人盜其菘元琰遽退母問竊者爲誰答曰向所以退畏其媿耻今言其名願不洩也於是母子秘之或有涉溝盜其筍者元琰因伐木爲橋以渡之自是盜者大慚一郡無復草竊齊建武二年召爲安北參軍不赴沛國劉瓛深加噐異嘗表稱之梁天監九年縣令管慧辯上言義行楊州刺史臨川王宏辟召辭不赴十年王拜表薦未召卒

### 沈處默顓

沈顓字處默吳興人演之之子也幼清靜有至行慕黃叔度徐孺子之爲人常獨處一室罕見其面從叔勃貴顯每還吳興賓客填門顓獨不至勃常就之歎曰吾乃今知貴不如賤也顓至性孝友兄弟以家貧仕爲始安令兄弟不能分離相隨之任顓素不事家產及昂歸值齊末兵荒與家人并日而食或有饋其梁肉者閉門不受唯採蕁荇根供食以樵採自資怡怡然恒不改其樂

### 吳達



吳達吳興人遭飢荒疾病合門死者十三人達時亦病篤隣里以葦席裹其死者暫瘞之既達病愈家極貧窘冬無衣被晝則傭賃夜燒磚甍率其妻晝夜在山管葬未嘗休止毒蟲猛獸遇達輒爲避去暮年成七墓窆十三棺時有賻贈一無所受人皆義之

隋 凡一人

司馬姚士會最

姚最字士會僧坦之子察之弟也博通經史尤好著述年十九隨父僧坦入關明帝盛聚學徒校書於麟德殿最預爲學士隋文帝踐極除太子門大夫後襲爵北絳郡公及平陳察至卽讓封於察轉蜀王秀府司馬秀陰有異謀最屢規切不聽及敗最任以爲罪時論義之

唐 共三人

丘庶子爲

丘爲海鹽人事繼母孝嘗有靈芝生於堂下官至太守右庶子及致仕年八十餘而繼母無恙詔給俸祿之半以養母初還鄉縣令謁之爲候門罄折令坐乃拜里胥立庭下既出乃敢坐經縣治降馬而趨說者以比汜恭



年九十六卒

陸洗馬南金

弟趙壁附

陸南金元感子也唐開元初少卿盧崇道抵罪徙嶺南逃還偽稱吊客突入金舍金匿之事覺詔御史捕案金當坐法弟趙壁自言匿崇道者我也請死金固言弟自誣不情御史恠之壁曰母未葬妹未歸兄能辦之我生無益不如死御史上狀玄宗竝宥之金官至太子洗馬

按松江誌陸氏世居華亭元感葬崑山在海塩未析之前故錄之

禮部尚書羅景宜讓

羅讓字景宜會稽人珣之子也蚤以文學著聲舉進士高第為咸陽尉父喪幾毀滅服除布衣蔬食不應徵辟者十餘年淮南節度使李鄜延致幕府除監察御史累遷福建觀察使兼御史中丞有仁惠名或以婢遺讓者問所從婢答曰女兄九人皆為官所賣留者獨老母耳讓慘然為焚券召母歸之人為散騎常侍拜江西觀察使卒贈禮部尚書

五代

凡一人

褚玄道雅

蜀行

卷之九

七

光碧堂



褚雅字玄道錢唐人梁末隱居於茅山樂施輕財拯物無厭營田既獲以與貧者與人共居常旦起灑掃取水徧以周給覓薪之人夏月移瓜恣人來取當時行暑道無暍者人或以爲難而玄道行之終身如一日也

宋

共四十六人

侍御史江漢臣景防

江景防字漢臣常山人初事吳越爲侍御史唐末諸國私爲重歛吳越尤甚民皆困苦及宋平諸國賦法皆仍其重景防歎曰民苦苛歛久矣使有司仍其籍民困無已時也吾寧以身任之遂沉圖籍於河詣銀臺自劾所以亡失狀太宗怒謫沁水尉遂屏居田里以卒其後子孫相繼擢正科者四十九人其由他科顯者不在是數而五世孫侍御躋六世孫侍御溥尤顯至十世孫萬里遂登台輔人以爲景防陰德之報

進士馮公初制

馮制字公初少敏慧涉獵書傳善屬文天聖中舉進士篤於養親遂絕意仕進家裕好施康定間里大飢民易子而食家有穀數千斛悉貸之藉以全活者百餘家舍



東有古陂縣長牟經俾鄉先生王致楊適耕之民數奪其瀦水制諭民穿古渠引潮以溉無復奪水之擾二先生割田爲壽制卻曰吾哀兩先生窮耳豈望報邪嘗過錢唐會故知錢寺丞負客債數百緡索之急悉與償之居常聚族子弟誨之務中規矩未幾弟準子碩姪景相繼登進士鄉人榮之

法葉杲卿曙

葉杲卿名曙避英宗諱以字行錢唐人生而穎拔凡三試開封率高等用嘗試御前恩授鄭州長史司法桂州卒贈太子中允杲卿在桂有吳謚爲象州武化令而死其妻挈二女歸閩而妻又死杲卿爲置地合窆之哀二女之無歸也娶以爲二子婦家故饒財諸弟用之殆盡乃求異籍杲卿喟然曰家事至此由吾祿薄不足以聚親族汝曹何咎諸弟聞而慚沮復合如初師事林逋天僖末錢唐有巨石浮於江太守問逋逋以問杲卿乃按樵子五行志以應曰其當在萬乘乎未幾真宗上僊於是人服杲卿多聞而始知樵子爲奇書二子昌言昌齡同榜進士昌言秘書丞昌齡屯田員外郎皆以學術政



事知名人以為娶二孤之報云

黃仲驥振

黃振字仲驥諸暨人輕財好施嘗建一樓隆寒盛暑必登之以望村野有日中未舉炊者往遺之米寒無告者遺之衣其妻劉亦斥奩橐置義庄以歲入濟族黨之不能婚葬者鄉人德之名其樓曰望烟莊曰仁壽振後以子貴贈衛尉少卿劉封仁壽夫人子孫代有顯者

衛輔之公佐

弟公寬公望附

衛公佐字輔之海鹽人事繼母以孝稱族有不能婚嫁者悉為遣之聚書數千卷禮四方賢士教訓子弟時縣未有學捐地為址又獨任禮殿之役熙寧末飢疫邑人賴以救療元豐中復飢民皆負稅令滿代者已至轉運使苛留使督逋負縲繫盈庭公佐悉出粟代輸之弟公寬公望竝敦行義時人俱為推重

吳孜

吳孜會稽人嘗從胡安定學名聞嘉祐治平間會郡謀建學孜即捨宅為基初學成太守張伯玉至以便服坐堂上孜鳴鼓行學規伯玉欣然受其罰玉十朋題其祠



云右軍宅化空王寺秘監家爲羽士官惟有先生舊池館春風歸在杏壇中

吳福

吳福僊居人性純實括有巨賈留千金其家久之不至福爲質遷得羸俟賈至併歸之賈曰向者吾留千金耳羸則君自致吾敢覲乎互相讓決之縣縣上之郡使中分其息福仍不受賈以其半捐之僧廬謂福曰君行誼如此不應久無子吾近得顏士女願奉君爲嗣續計福曰君念及吾嗣敢不爲先人拜賜遂遣禮納之後生子車積至芾兄弟登上第歷顯官云

典國司理賈元範如規

賈如規字元範樂清人宣和中補太學生靖康之難諸生欲逃去如規厲聲言曰吾輩久被教養國家帖危乃求苟免乎稍有留者以特奏名調廣昌尉捕盜合格當改秩謝弗言再調典國軍司理不赴讀書鹿岩下重義好施族里賴之時稱尚義篤行者必曰賈司理

江統領渙

江渙字德濟武義人自幼勇毅以杖擊石石碎而杖全



睦寇起縣檄防守隘柵屢以少擊衆保全鄉井後隸淮  
西鄜瓊麾下瓊畔殺參謀呂祉舉軍降於劉豫將出境  
渙與其屬謀曰吾儕普忠義死君父詎可爲降俘夜與  
其徒還得祉之首至楊子江無舟可渡埋其首於江臯  
識其處遂浮渡達行在時方收鞠祉家屬渙詣理力明  
其不叛具告所以然命押渙取祉首按驗不誣遂赦其  
家出獄者咸拜渙曰微公吾曹安死生忠義得白皆公  
力也後任廣東統領平海寇以一矢殪其渠魁卒於官

陳德高

陳德高東陽人辰州太守琰之父也慕范文正公之義  
割腴田千畝立義庄以贍宗族又設義學以教里中之  
子弟族人婚宦死喪皆有助及遭困阨貧不能立者袖  
金子之不令人知有貧而鬻產於德高者如其請畀之  
金積其入及原直則舉以還之山陰陸游嘗爲謨義庄  
記。

黃巨濟汝楫

黃汝楫字巨濟振之玄孫也家故饒而好義宣和間方  
臘犯境汝楫瘞其貨寶於室將出奔忽賊黨有執白旗



來者見楫輒拜楫驚視之乃舊僕也語楫曰吾主掠士女千餘閉空室中索金帛以贖否者且殺之楫惻然曰我所藏直數萬緡願以贖衆命遂悉發所瘞輦輸賊營千餘人皆得生歡聲如雷悉詣門泣拜以謝有願輸身爲奴婢以報者悉拒不受一日夢金甲神謂曰上帝有勅以子活人多賜五子科第紹興中汝楫爲浦江令其子開闢閣聞閣果相繼登科高宗賜詩有昔日燕山竇今朝浣水黃之句浣水黃所居地也

### 楊大同

楊大同松陽人素業賈寓武林邸舍忽聞隣哭甚哀詢之乃王尉失囚獲罪鬻女以贖故相泣別大同惻然遂傾橐以貸王尉慚謝叩其居里姓名大同曰吾豈望報乎遂拜而別他日大同婿鄭克寬登進士調鄂州監酒時鄂守卽王尉也克寬以公過候門守覺其鄉語類大同乃進而問曰汝何居對曰括之松陽汝識楊大同乎曰妻父也守驚曰汝外翁尚在否曰作矣惟妻母見留此守曰汝爲我迎楊媪來至則坐媪於堂率子女羅拜於下以母事之因語其故置克寬於幕以薦之



王朝奉允卿

子唐珪附

王允卿字成之，松陽人。尚義好施，嘗往括城索逋，宿其家。夜遣其妻叩門，卿閉門不納。遲明即歸，不復索。每寒雪起，視隣寒不烟者，密以米置其門。歲飢，山民煽亂，輒議曰：我等至縣必驚西門。王朝奉奈何？終不入邑。民賴以安。世有蜀西門王承奉之比。子唐珪字廷玉，屬邑。飢縣官勸貸，珪方州角，請書於籍，願以千石濟之。衆異其志。登淳祐進士，歷仕至監察御史。言事忤賈似道，意諷言官論罷之。

劉進之愈

劉愈字進之，永嘉人。孝友端慤，遇人急，稱貸施予。如不及事，有利病以身爲倡，必興除之。由是信義著於鄉。紹興庚午大飢，以其家產簿貸於州，得米五百斛以歸。分賑鄉里，愈獨不收貸。自以私廩賞官。隆興甲申，又飢郡。同里徐讜協力賑，抹全活甚衆。太守張九成下車，得愈之賢，移書致饋。其書有云：孝於親友，於弟行義，聞於鄉里。敬致州郡之禮，以見尊賢之誠。時人爲之語曰：入構



溪不見劉進之適樂清不見賈如規是浮洞庭不嘗楠也

縉雲丞喻伯強南強

喻南強字伯強義烏人少負奇氣父直方謂似陳亮俾從之游同門者數百人亮獨稱其議論可畏讀書至名義可喜事輒擊節慨慷及亮為當路排陷不測門人畏其威禁不敢出聲南強從兄侃與同志生極力營救幾蹈罷職南強義形于色奮不顧走東甌見葉適備述亮冤狀適曰子真義士也即秉燭為書數通南強又持走越親見諸臺官誦言無忌卒直亮之冤累貢於鄉不得第用右科調富陽尉當是時禮部侍郎真德秀以言事去權姦風京尹跡其所至欲併以為罪德秀舟過富春江南強亟請見且賦詩為餞時人皆壯之轉承直郎處州縉雲丞未上卒所著有梅隱筆談十四卷藏於家

通判邵武州薛子周洽

薛洽字子周永嘉人入太學所交皆名士會齋舍疫作鮑粹然疾尤篤司舍皆弃去洽獨移卧具與俱蚤夜治藥餌謹視之三月乃愈粹然每告人曰子周生我登淳



熙第終通判邵武軍

楊時發庭顯

楊庭顯字時發自鄞徙慈簡之父也少時嘗自視無過

視人有過一日忽自念曰豈其人則有過而吾獨無於

是自省即得一過旋又得二三已而紛然乃大恐懼痛

懲力改刻意向為學每見其過輒內訟不置及於夢寐怨

艾深切或至泣下自搥既久其功益密嘗曰如樵童牧

豎有以誨我亦當敬聽之已而舊習日遠新功日著自

其子簡識事未嘗見父有過所自責者類非形著每每

自明以示鑒戒一夕被盜諭子孫曰婢初告有盜吾心

止如此張燈視笥告所亡不多吾心止如此今吾心亦

止如此四明士族稱躬行有聞者以庭顯為首象山陸

九淵為之墓碣九淵嘗曰志墓非古而銘多溢辭故不

苟作余銘黃南豐楊慈谿二君之墓海內名識謂無媿

辭

吳起之作禮

吳作禮字起之諸暨人開禧間有寇掠鄉民勢甚張作

禮與兄弟議為防禦計因積薪備酒饌賊至迎勞飲食



之乃闔戶焚其廬無得脫者事聞拜保議郎

長興丞曹文起沂

子茂冲附

曹沂字文起瑞安人父絳里稱長者遇歲艱率族衆定里穀價十損二三以便人沂輕財好施能繼其志嘉熙庚子歲大祲亟傾廩得積穀六百斛盡發以賑貧民族兄弟有爭田訟久弗決者沂割已產平之晚以特科入官終長興丞子茂冲登淳祐第通籍金閨終知定海縣人以餘慶歸之

德清尉潘和叔景夔

潘景夔字和叔松陽人初爲德清尉邑有富民爲盜所掠景夔躬捕獲二十人法當改秩同僚畢賀景夔愀然曰是豈無誑誤者邪若以幸賞爲心則吏卒鍛鍊以成獄吾不忍爲也同僚歎服卒不赴調掛冠歸

陳光庭

陳光庭樂清人嘉熙庚子大旱歲飢死徙不可勝計光庭創東西二倉節已口腹聚穀於中令里人以物質穀不取其息春耕則納質以取穀秋歛則納穀而取質民咸德之又捐田八十畝以其穀置藁冢收遺骸及資貧



不能婚嫁病不能醫藥者又爲歌詩十章以諷勸藏穀之家石室林一龍名其倉爲集義莊爲文記之  
國子監錄事王彥古漢英  
王漢英事彥古奉化人受業樓昉文行高卓登淳祐進士第魁梧爽朗朝列儔之少聘徐氏女因病鼻腐以貌醜自誓不嫁父母辭曰公盛年高科不患無良配女陋不敢以辱公漢英曰女有疾非漢英誰適旣昏相敬如賓仕止國錄妻沒終身不畜婢

姚君俞獻可

姚獻可字君俞義烏人隱居郭西門風度孤騫不同於物年飢不粒食蒸菘菜茄子啖之而無醯鹽人始憂其不堪旣而見久不屈稍聽向至老益自勵無妄取人遂翕然信重之葉尚書適嘗訪之曳敝履出迎如舊識旣病革度不起以書造適曰我能守義不辱子宜爲我銘臨終戒其弟曰棺前止須布幃一幅置瓦鑪於案知我者當自來哭其不知者雖哭吾不對也其卓立自信如此

太學吳彥成圭



吳圭字彥成義烏人。倜儻好施。與太學生程績從故人貸錢三十萬。將葬其親。爲同舍生所給。俾歸受償於其兄。渝約弗與。圭如數代償。迄不較。初至京。方入國門。道遇鄉人士葉祖信。爲太學陳生。哀具棺。歛圭。遽日溽暑。如此。湏衆則事緩矣。立如所札付之。其輕財重義類如此。

汪時發大度

弟大章附

汪大度字時發。金華人。受業呂祖儉。自號獨善。慶元初。祖儉忤權姦。貶韶州。大度走送之。押解者希當路旨。凌虐祖儉。大度以義折之。身爲調護。從至貶所。久乃還。所以經紀其家者。甚至弟大章。字約叟。亦從祖儉游。祖儉之卒也。大章距秋試纔四日。舍之。就道護喪。以歸。故人路知監。卒于蘄。不能還葬。大章走蘄。載其柩歸。割地葬之。當是時。二難之義聲烈於今古。

盧崑民

盧崑民東陽人。存心仁厚。嘗拾遺珠一裹。價值不貲。持歸。令人於獲處俟焉。少頃。失珠者號泣而來。詢得其實。舉還之。其人請割半以酬。崑民曰。吾豈利若物哉。堅却。



之其人泣且拜曰非公吾死矣今之生公之賜也後嬰疾幾殆忽神降於女奴言曰上帝以君還珠之德賜以壽考遂念詩告其壽數復示方服藥疾立愈卒年八十六果如詩言

### 葉會之大同

葉大同字會之其父誕嘗從呂成公講明義理之學故其爲人重義氣言必稽古有友人死而無櫬將賣廬以歛大同曰吾未死已有櫬友已死乃無櫬吾縱死不至剝廬友雖死不可無廬姑以櫬吾者櫬之衆高其義共襄其事大同兄弟三人其兄紹彭早世無嗣乃以幼子後之或謂法應三分其室大同曰嗣可三室不可三明義利也義利明則吾兄真有後矣魯齋王文憲公聞而稱之曰世有繼嗣而爭者觀此可以媿死益見吳縣家庭之訓久而不泯如此

### 胡廉一麒

胡廉一名麒字德仁世居湯溪父贅楓林以客死失恃年十三奉母孀居克自樹立撫弟廉三稍長受室甫暮而庶三以疫卒慟哭幾絕弟婦遺腹五月每夜必焚香



告天曰。吾兄弟三人。季早亡。仲復夭。吾今有二子。而仲  
僅有遺腹。願天寧奪吾子。年以益遺子。承弟嗣。及蓐果  
得雄。名印童。不三月而弟婦病乳癰死。廉一且哀且懼。  
與妻江氏謀曰。吾弟止此一子。不可復得。吾次子可托  
隣母乳。而此子湏汝自乳之。方保無虞。又慮妻意不專。  
計將柳木倒插井傍隙地。因詒之曰。日者皆言此子命  
合三竒。吾將試此。木插地若能生活者。是兒必大。吾門  
已而柳葉森然。江氏撫育意益堅。及長。婚娶畢。獨計寄  
居母家。俗鄙悍非。所訓子姪也。乃擇青陽善地。徙居之。  
之。各授田。俾畊以自食。遺訓家規二十四事。有出仕不  
可捷徑。以倖進。當難不可詭計。以偷生之語。蓋於世教  
有補。云。其子孫簪纓濟美。爲湯邑稱首。

特奏狀元石道叟公轍

石公轍字道叟。新昌人。爲人重。交敦義。初游太學。同舍  
生朱夷行寢疾。無親黨。公轍爲謁醫治療。旣不起。家人  
問計。方徬徨不知所爲。而公轍已扶柩在門矣。時舟行  
冒暑。目青幾失明。忽夢夷行如平生。曰。目青奈何。有爾  
朱先生者。術如神。覺而異之。至京口。有言爾朱先生者。



公轍因謁之得藥如芥子旦夕服之目如初登紹興二年特奏狀元後年八十手自校書燈下作蠅頭細楷人謂冥報云

黃青陽叔言

黃子游字叔言其先自浦城徙奉化崇寧星變父宰上封事論蔡京京怒逮付御史獄長流海島子游號訴於朝父得不死建炎初客南京歐陽徹以上書忤宰相坐弃市子游適同邸脫駢以葬且賙其子以喪歸張忠獻公每對客誦言曰子游之義近世所無也忠獻謫永州歲遣人致問守池州青陽縣縣以宋齊丘食邑田賦十倍相仍餘二百年子游奏蠲其半中歲不願仕食祠祿十五年築聽雨堂兄弟相友官其猶子竭資嫁兄之諸女卒年八十八

李嘉仲猷

李猷字嘉仲一字獻夫鄞人建炎初以婦翁沒王事自京師詣南都行在所遇友人陳東被召至舍館未定乃爲假館於太僕寺丞陳正彙少陽再上書不報有榜通衢斥附會李綱者猷知爲少陽將勸之歸而少陽已逮



赴應天府。隨戮於市。猷哭且祈曰。少陽以忠諫死。勁節英氣。當不與草木同腐。吾欲收少陽歸葬。莫能得。少陽有靈。其啓我心。越一日得尸。又一日得其元合。而歛之。方買舟東下。會其鄉人胡中行。從太學來。欲親護喪。猷服其義。并以行李付之。猷亦不暇詢婦翁事。亟還京師。

豐宅之有俊

豐有俊。字宅之。四明人。稷之四世孫也。登青樓。見小娼。疑故人女。累日之。女亦悟。酒罷留宿。女羞澁。良久曰。豐官人。識妾否。詰之。果故人女。豐曰。某所以留者。以坐間不得問也。宜各寢。必有以處。汝娼遂退。豐與京尹有舊。明日以白尹。且曰。某僅有錢八千。從公更貸二百千。嫁之。尹嘉其義。卽取入府。厚奩具。擇良士嫁焉。尹卽山陰王宣子佐也。朱熹同科進士第一人。

袁昇

袁昇。鄞人。初爲小吏。給事通判廳。勤謹無失。歲滿當代。不聽去。家裕於財。五旬無子。往臨安買妾。旣而察知其爲四川故趙知府女也。卽還。其母泣曰。計君聘財。猶未足給歸費用。且破矣。將何以酬君。昇曰。賤吏不敢當。



此願以聘財相助。知其不給。又罄橐以贈。歸告其妻。妻喜曰。君設心若是。行當有子矣。明年生子。韶官至參知政事。贈太師。越國公。曾孫楠。官至翰林侍講學士。贈參知政事。陳郡公各有傳。

陳惠卿祖

從孫雷附

陳祖字惠卿。新昌人。少孤。事母至孝。善治生。敦睦宗黨。嫁其孤女數人。貲負平糴。邑人德之。創義塾。延名師。以淑鄉之俊秀。凡饗膳薪水。僮僕咸具。歲費錢萬緡。弗少。愜士由以登庸者。後先不絕。祖沒。從孫雷克繼其志。創桂山東塾。而以祖所建名西塾。張卽之為館。賓榜曰洞門。無鎖鑰。有客不妨來。由是遠近來學者。日衆。門墻冠蓋相望。而兩塾之名聞於四方。又置義田。義役。義倉。義井。義阡。義局。以賙卹鄉黨。邑人至今談陳氏事。有墮淚者。雷字震亨。世居仙桂鄉之平壺。以恩補登仕郎。凡三辟皆不就。卒。祀於學宮。

陳關門柔

陳柔。平陽人。性冲約。不喜競里。人有侵其地者。族黨謂當訟之。柔曰。諾。一日具酒食。會集議。食畢。衆請所議。柔



日以酒食飽吏胥何如吾黨自樂之尋丈地不足較也  
衆愧服人或見陵閉門不兢內外呼爲陳關門

### 何長者達

何達永嘉人好義輕財親戚朋舊貧者賑之死而無歸  
者葬之食客日常數十人歲或艱厄貫貸不倦鄉民賴  
其恩惠有訟不之官得一言而兩憾俱釋人稱長者

### 徐正卿端臣

徐端臣字正卿蕭山人幼有異稟日記萬言事祖父母  
以孝聞值歲飢輒出粟平價以濟貧乏創社倉飾學祠  
療病以藥贈死以棺義聲宣於遐邇浙東提舉朱熹行  
部至縣特造其廬後以子鬻恩補宣義郎卒年八十三  
贈銀青榮祿大夫寧國郡公

### 張教授仲淳

張仲淳秀州人以文行知名居鄉教授好周人之急務  
行陰德不求人知偶一商疾篤授仲淳問其姓名鄉里  
言訖遂斃裝有十金仲淳自爲具棺歛召其子護喪持  
金歸復捐資經紀其喪事一夕夢死者來謝曰荷公厚  
德無能結草公今生貴子矣已而生子師中舉進士爲



館職終京西漕使尚書工部郎中

朱孔目承逸

朱承逸，吳興人，為本州孔目官。夜過駱駝橋，聞橋下哭聲甚哀，視之見一人携妻子欲共投水。問之云：「負勢家錢三百千，督責無以償耳。」朱即護歸，見債家悍僕群坐，朱諭之曰：「以三百千使四人死於水，於汝安乎？吾當代還急取券來，如數還之。」其人感泣，願為奴，不聽。復以三百千資之而去。

顧潤之德王

顧德王，字潤之，嘉興人。從寧國教授俞長孺游。長孺有道士然而無子，嘗語人曰：「吾昔寢疾於杭，德王侍湯藥，情猶父子，醫為感動，弗受謝。今我行且老，必寄之以灰。」既而訪醫吳中，病且革，趣舟歸。德王既死，德王歎於家，衰絰就位。邦人士為德王來吊者，德王答拜葬海鹽歲時享祀，唯謹。

婺州錄事方無盡永齡

方永齡，字無盡，金華人。敦禮尚義而好施。宋末兵興，歲飢流亡載道。永齡發粟作糜以食餓人，復作棺衾以給。



殍。歿。之。無。告。者。薦。授。婺。州。錄。事。入。元。棄。官。隱。居。孝。川。徵。聘。不。赴。惟。儲。藥。施。方。以。濟。患。者。終。其。身。不。怠。

徐臻

徐臻，温州人。父官河南。德祐元年春，臻往省，以道阻會

文天祥勤王，臻往依之，以筆札典樞密。小心精練，天祥被執，臻脫難復來，願從天祥北行，扶持患難，備殫忠款。至隆興病歿。

潘敏脩

潘敏脩，字敏脩，松陽人。博學能文辭，游成均，所交皆海

內名雋，嘗值歲飢，傾廩以賑窮餓。一日山水驟發，陸地皆成巨浸，好古與同處者數十人，方虞墊溺，惶惶莫措。忽有操舟來援者，好古諭舟人先濟餘人，舟人曰：「吾德公故，冒險來計，不知有他好古曰：「濟人猶濟我也。」卒先餘人而後濟，義問隆於一時。

唐玉潜

唐珏，字玉潜，山陰人。家貧，聚徒授經，以養其母。歲戊寅，總江南浮屠楊璉真伽發宋諸陵，攫其寶玉，珏聞之，不勝痛憤，亟貨家具及執券行貸，得百餘金，乃具酒邀里



中少年與飲酒且酣少年起請曰君儒者若是將何爲  
珏慘然具以告衆謝曰諾一少年曰事露奈何珏曰余  
固籌之矣要當易以他骨乃具木匣絹囊各署其表曰  
某陵某陵分委散遣收遺骸瘞蘭亭山中樹冬青樹其  
上以識越七日髡徒下令哀陵骨雜置牛馬枯骼中築  
一塔壓之名曰鎮南杭民悲惋不忍仰視了不知陵骨  
之猶存也未幾髡賊被誅珏事乃稍稍傳播義聲震吳  
越云

泉州教授林德賜景熙

林景熙字德賜平陽人上舍釋褐歷泉州教授部架閣  
丙子元兵破杭河西僧楊勝吉祥從伯顏在軍中遂盡  
發越上宋諸帝山陵取其骨築塔於內朝舊址其餘骸  
弃草莽中人莫敢收適景熙與同舍生鄭樸翁在越上  
痛憤不能已相率爲採藥者至陵上以草囊拾而收之  
又聞理宗顱骨爲北軍投湖水中購漁者求之幸一網  
而得乃盛以二函託言佛經葬於越山且植冬青樹識  
之因而爲詩曰珠亡忽震蛟龍睡軒敞寧忘犬馬情親  
拾寒瓊出幽草四山風雨鬼神驚又曰一坏自築珠丘



士雙匣猶傳竺國經。獨有春風知此意。年年杜宇哭冬青。冬青花詩曰。冬青花。花時一日腸九折。隔江風雨青影空。五月深山護凝雪。石根雲氣龍所藏。尋常螻蟻不敢穴。移來此種非人間。曾識萬年觴。底月蜀魄飛。遶百鳥。臣夜半一聲山竹裂。聞而知者義之後。歸鄉教授忠義之懷。每形於言語文字間。其文曰。白石稿詩曰。白石樵唱。皆行於世。以壽卒於家。

將作監簿王才翁英孫

王英孫字才翁。會稽人。博通經史。歷官將作監簿。罷歸。值越中大飢。發私廩以賑。全活甚衆。道上有弃孩。輒收恤之。又喜延致四方賢士。日以賦詠爲樂。若謝翱、鄭櫟、翁林、景熙、唐珏輩。皆慕其義。與之友。所著有脩竹集。

元 共十八人

茂林逸叟葉貫道

葉貫道。瑞安人。居郭陽紫華山中。蚤喪父。事母至孝。母死。廬於墓左。每祭掃。必痛慕嗚咽。元初兵至。鄉民橫罹鋒鏑。暴骨野中。如莽。貫道哀之。與子堡携笨檢拾聚而埋之。表曰。同歸之墓。晚年高隱。自適。號茂林逸叟。



翰林掌書劉浚登濠

劉濠字浚登世居青田仕宋翰林掌書元初林融起兵  
與復融戰死元遣使至境上糾祭餘黨將盡殺之鄉豪  
挾仇投籍使者逮無辜至萬餘人濠適往謁閱籍知狀  
歸悲忿不能就枕會天大雪因孫燾計具酒肉邀朝使  
飲晏至夜沉酣翼卧小樓探袖取牘錄其巨魁二百人  
懷之因積薪樓下縱火延燒及樓使者脫走因出懷中  
二百人授之朝使馳上命下止戮如濠所錄存活無慮  
萬人濠生廷槐寃極天文地理陰陽醫卜諸書爲大學  
上舍廷槐生燾燾生基封誠意伯古云活千人者子孫  
必侯劉之世食其報也宜哉

水西翁呂仲脩浚

子機附

呂浚字仲脩永康人少嗜學至老不輟養親必洗嗽而  
身與妻子粗糲自甘宗人貧者月有廩年當入學者家  
有塾隣里以急告者責之如持左券歲歉親爲粥以食  
餓者所活千百計當是時大盜竊發官軍進討強起其  
父懋以鄉導浚身翼父行踐重山密林探其巢穴事平  
口不言功識者推其雅量晚益務韜晦自號水西翁子



機字審言刻意於學通春秋大旨尚義好施推誠待物人或懷嶮巇以相傾忍弗與較綽有父風

### 童子丹金

童金字子丹慈谿人家素饒裕至元間以才能薦授進義副尉歲督海運秩滿扁所居曰一間築隄浚澤興水利於鄉卽先廬側築室百餘楹爲義塾割腴田四頃延師以淑來學別置田二頃代鄉隣之輸及給貧不能養死不能斂者大德中歲饑流殍相望金發積以貸全活者數千人有司奏旌其門

### 陳志寧

陳志寧諸暨人與弟嵩之篤手足之愛事母極孝兄以事出則弟在膝下弟或暫出則兄留未嘗同離左右戀戀如嬰兒嘗割田一千畝山五千餘畝造屋三百餘楹爲義庄義塾聚族里之貧者養之未知學者教之人以爲一鄉之父師事聞旌爲義門

### 諸暨州判官俞時中器之

俞時中字器之金華人宋季避兵山谷間叔母劉爲元兵所得欲殺之時中間其聲挺身出曰此吾母卽欲殺



請以身代主者壯其言釋劉而挾時中北行至京師語其事公卿皆歎竒之使受學羅郎中所時羅方貴倖嘉時中才以女妻之薦入翰林纂次本草遂爲太醫令歷官監通州樂歲倉秩滿求便養得諸暨州判官以歸抵家父母暨劉已前卒乃爲位制服晨夕號痛如初喪聞者爲之流涕

方鑑

方鑑諸暨人讀書負氣自豪好脩行義嘗割田千畝收歲入以贍族之貧者建義塾禮聘名儒黃叔英項炯吳萊輩主教事以造就後學一時俊彥雲集颺至游於塾者多爲方聞之士當時衣冠雖沒於腥羶而東南文明如故不至受變於夷者諸義塾之功居多

劉十三

劉十三湯溪人一女弟有容色贅胡氏邑之王萬戶夷官也偶至其家窺見之十三逆其意不良乃遣家人悉潛匿而自款待之及晚果來索其女弟不獲大怒遂以油灌十三頂而焚之曰從則我之骨肉不從則爾歸鬼錄十三大罵曰我中山劉氏豈同狗彘以從汝乎寧死



耳不汝汚也。罵不絕口。竟焚死。今胡氏世祀劉氏於家廟云。十三頁而焚之曰孫。則非古骨。因不錄。以節論。其

趙孟治 子由鍾附

趙孟治山陰人家。世業儒。尚義。皇慶中。捐田三頃為學。田又捐田三頃入義廩。給鄉人之貧。而無以婚葬者。事聞。有詔旌之。子由鍾行義。有父風。丁未歲大飢。設粥於道。以食餓者。所活數千人。由鍾子宜法。以進士起家。

樂君道大原 孫良附

樂大原字君道。定海人。器度宏偉。慨慷多大節。居家孝。讓事繼母。尤謹。燕閒無惰容。耻言人過失。大德丁未。東浙大侵。大原發巨艘。販泉南廣東之米。平價使人就糴。遠近畢集。活者甚眾。有持舊書易米濟飢者。輒應之。遂畜至數千卷。曰。吾子孫必有能讀是者。孫良果能讀。其藏書屬文數千言。立就時。朱陸異門。良受業程端禮。學以朱氏為宗。洪武初。為定海縣學教諭。以學行表帥。後進有遺稿五十卷。

宣子初玄

宣玄字子初。諸暨人。性端麗。而志尚修潔。與剡人商舜



華善舜華游西州以銀一篋寄玄家歲餘舜華客死玄  
絮酒炙雞至其家奠而哭之因舉金還其子其子初無  
知者人皆服其高誼

### 黃熙安純裕

黃純裕字熙安定海人震之五世孫也自幼服膺祖訓  
孝友純篤言動不苟鄉隣有鬪爭者輒以理曉譬莫不  
心服故一鄉之民無復有訟于公庭者當時爲之諺曰  
登泰山不若登崑崙崙崙見縣令不若見黃君尤精於鹺政  
有司聞其名吳元年舉爲龍頭塲管勾羣灶鼓舞稱更  
生純裕公廉仁恕綜理周悉上資國課下得竈心凡煎  
辦之法至今賴之

### 黃新

黃新諸暨人汝楫六世孫也性倜儻好義祖遺義庄閱  
廢已久新盡得購復之以贖族人歲侵鄉人持券物來  
質粟不較其值而與之所居當婺越之衝爲飲食以待  
困乏者年七十餘盡出所質文券約三萬緡悉焚之曰  
吾非敢以此市義吾生無德於鄉人無留此以益身後  
之過聞者感泣



潘生

潘生富陽人。世業農。幼喪父。獨與兩弟奉母居。間出與人執塡。斃。治筐筥。又爲善工。大德間。江南大飢。道殣相望。自度無所得食。曰。吾終無以給母。則母子俱死。等死耳。盍若用吾強壯。少延母。旦夕命乎。卽以母屬兩弟。自傭。回鶻人乃告母曰。兒當傭錢。唐數月得錢米活家。且自活。母勿憂。旣回鶻人轉賣遼東。大家遣代戍古北口。會有詔。江淮子女流徙者衆。禁人毋得轉掠。饑民使悉還鄉土。遂得從遼東還道。一女鬻尾行。問之曰。淮產也。昨因飢。父母棄我。轉徙數家。今主家遣我歸。君南人能挾我同歸乎。卽相與操瓢道乞。夜泊茅葦中。雖顛沛流離。親昵日久。曾無一語及亂。渡淮曰。我家通州。今近矣。君盍送我到庄乎。女上堂見父母。父母攬涕起。相抱持。詰門外。同來者女具以對。父母感其義。引生更衣具酒。張樂酒半。執觥跪曰。吾女幸完骨肉。歸見鄉里。免罹霜露盜賊。君力也。今吾女尚處子。君誼聲暴。淮楚間。且君去家。父母不知存亡。歲下薦饑。鄉閭必離析。廬舍必墟莽。雖有兄弟。亦恐不能自存活。吾家尚薄。有園田。給饗



粥吾女實君箕帚妾也君必無歸生則毅然謝曰吾何敢以若女爲利哉吾雖賤不讀書且義不敢取况吾母固衰老度尚可活萬一母死兩弟或有一存今遂不歸是吾遽死吾母也吾又何忍卽安此土乎遂告歸母死者蓋三載兩弟亦死生追制服復食其故技於鄉以終

### 陳成甫紹

陳紹字成甫慈溪人家饒於貲而性尚澹泊粗衣糲食惟以行義爲急遇隣里喪不能舉者葬之死不能斂者吞其衣棺貧不能自存者賑以粟里有金生者貧而自守紹敬而憐之密於暮夜持金錢投其家時邑治闕官舍令富德庸嘗主其家紹告以撫字當急瘠民肥已君子弗爲令終任一介不取及代歸囊橐蕭然適長女死紹爲之歛且出所積以助其裝邑饑發困以貸而全活者衆一時皆稱爲篤行長者

### 孫泰然宣

孫宣字泰然嘉興人有俠氣兄弟析居竝以義讓元季苗兵將屠邑境宣獨叩軍門請以身貸辭嚴義正主帥壯之竟釋城不屠當是時以七尺觸鋒刃寧有幾幸哉



義之所動。凶威頓戢。卒之身與城俱全者。則天之陰騭。善人也。昔外黃兒以辭說。不以身乞。千古猶爲美談。若宣者。真義烈古人矣。

劉韶父大音

子剛附

劉大音字韶父。義烏人。蚤孤。事母李唯恐弗及。弟普繼於別宗。推母之愛。愛之無少。斲性沉靜。寡默才識。夙絕人多嗜腴田。營營求獲。大音曾不舉目睨之。世咸以爲病。音曰。吾將利吾胤耳。子奈何欲陷之邪。未幾。多田夫荷械走。米霜中始歎服。其識族人瀕死。子方乳。以業券泣授。大音曰。非君仁恩。不足以保此子。卒藏券。笥候其子長。召而觴之。枚數以還。其焚券周急。拯難嫁嫠。不一而足。歲稔羣盜起。至相戒不敢入其里。宋太史銘其墓。稱爲古之吉士。云子剛克苦攻學。從宋太史游。雅爲蘓伯衡方孝儒所推許。以文名於世。

吳長卿宗元

吳宗元字長卿。諸暨人。輕財尚義。歷叙古今孝弟忠信之人。爲七言古體。以訓迪後人。元季兵興。避地者多依之。周給一無所吝。歿之日。識不識皆歎曰。義士死矣。奔



哭墓下者數百人太史宋景濂志其墓曰美士死矣

夫人為士言古賢以陪歿於人元季與興觀此皆美

與宗元字身職滿登人轉相尚美烈於古今幸而忠

與身職宗元

兩浙名賢錄卷之九終

兩浙名賢錄卷十目次

獨行

明

鄭好義士利

御史余公文郁

殷原善兄近仁附

宋味古

汪慶衍灌

王叔豐稔

周彥華子輝妻俞氏子孟曉附

阿寄

劉閱畊均美婿張璟附

海州同知許國器懋

梅景和熙



翰林檢討秦性初初

吉安通判吳源潔潭

陸賢良宗秀

子珪 璣 瑜 瑾 附

錢清舟人丁能

袁仲仁大珍

包侍郎懷德

陸國平平

教諭戴育之櫝

高叔胥宗浙

吳淵周 端附

古直王仁輔佐

聞廷實璋

子元 璧 附

劉敬先儼

奉化王汝林

尚義仇必顯

楊允恭欽

刑部主事何瞻

李貴

劉景儀鳳

徐蒙六

孝廉張朝貢瑤

夏叔恢

解元盧中夫楷

陸本深源

俞統

古人趙廷時元銘

夏世康安

教授周良佐相

周舜龍廷澤

子禎 初 祚 釋 附

張守度尺

鄭飲賓修

徐望之文彪

二子 徐子 元 周 禮 附

夏雷

子日 葵 附

周繼實夢秀

給諫周孟登崑

陸忠順美

鎮江通判陶公重廷錦



施濟

成義士器

龍江驛丞杜守經常

庖人吳三五

文學吳子匡元良

趙宗良祖騮

鄭守

趙宗良

鄭守

趙宗良

古人

趙宗良

鄭守

趙宗良

鄭守

趙宗良

兩浙名賢錄卷十目次終

兩浙名賢錄卷之十

東海徐象梅仲和氏讓

當湖陸濬原嗣哲氏閱

獨行

明 共六十三人

鄭好義士利

鄭士利字好義寧海人嘗為縣諸生其兄士原以薦為

河南懷慶府同知遷湖廣按察司僉事利因告于師去

侍其兄游學有名洪武九年天下考校錢穀策書空印



事起。凡主印吏及署字有名者，皆逮繫御史獄。獄凡數百人。士利兄亦以河南時空印繫獄中。天子方怒空印事，以爲欺罔。行省言：臣二十餘輩守令署印者，皆欲置之死。佐貳以下，榜一百，免死爲軍。遠方丞相大夫皆知空印者無他罪，可怒莫敢諫。士利獨歎曰：上不知以爲空印大罪，誠得人言之。上聖明，寧有不悟，懷欲言之，適星變求言。士利曰：可矣。旣而讀詔有假公言私者，罪之。久之，士利曰：吾所欲言者爲天子殺，無罪爲可痛耳。吾兄非主印者，固當出。需吾兄杖出，乃言言吾死，不恨其兄免死。出，士利乃爲書數千言，言數事而於空印事最詳。其意以爲誠欲深罪空印者，恐奸吏得挾空印紙爲文移以虐民耳。臣以爲文移必完印，乃可。今考校策書合兩縫印，非一印一紙之比。縱得之，亦不足用。况不可得乎？且錢穀之數，府必合於省，省必合於戶部。其數誠不可懸斷預決。必至戶部而後定。省府遠者去戶部六七千里，近者三四千里，待策書旣成而後用印，則往來之難，非期年不可至。故必先用印而後書。此權宜之務，所從來遠矣。何足深罪？且國家諸法，必明示之。



天下而後罪犯法者以其不可而故犯之也自立國以  
至于今未嘗有空印之律有司丞相不知其罪今一旦  
捕而誅之則何以使受誅者甘心而無詞乎朝廷求賢  
士而置之庶位得之甚難位至於郡守者皆數十年所  
成就通達廉明之士非如草菅然可刈而復生也陛  
下奈何以不足罪之罪而壞足用之才乎臣竊爲陛  
下痛惜之其書旣成欲上者數矣而未決每歸逆旅則  
杜門附首而泣泣數日其兄子侍行者疑而問之曰何  
所苦乎士利曰吾有所自苦耳我以觸天子怒必受  
禍然殺我活餘人我更何恨遂持書詣丞相府士利短  
小容貌如常人見丞相禮頗倨丞相問何書士利曰吾  
將爲天子言之丞相何問也丞相因御史大夫入奏  
上覽書大怒詔丞相大夫雜問誰教若爲必有主謀者  
士利笑曰顧吾書可用與否何如耳且吾業旣爲國家  
言事自分受禍人誰爲我謀乎辭卒不屈然猶輸作終  
身而竟殺空印者

樵雲王尹成毓

王毓字尹成世居永嘉之華蓋鄉英橋里俱有隱德以



壽考終而俱。單傳至毓。乃遂有七子。毓性孝友而急行。義少侍其父。珍謹甚。恒韋講而治。饗膳既成。則衣冠而薦之。間小失父意。長跪謝過。非命之起不起也。毓善耕。以其美規爲子母之息。宛轉佐歲。恒不乏。七子者。環瀾。瑀。琪。瓌。鑿。瑛。毓先後爲起。甲第相望。毓又好施。予以軀。赴人之急。比隣火數十百家。皆燼。毓捐廩而予之。俾稱力。自取給。其他孤寡。毋論。踈戚。以指計衣食。毓若庫吏也。七子之子二十八。曰埏。坦。墅。牲。在。堽。墩。境。封。佳。墀。坡。垞。厓。基。壇。壑。均。壑。堪。陸。墳。塔。填。堊。垣。塾。垠。二十八子之子九十四。而始有以詩書之業起者。猶然用子孫顯。曰封。右。通。政。鉦。南。雄。教。授。贈。大。理。少。卿。某。訓。導。錫。九。十八子之子二百六。子而益顯。曰。太。理。寺。丞。清。左。叅。議。澈。國。子。祭。酒。激。鴻。臚。序。班。良。慶。鴻。臚。署。丞。叔。懋。按。察。副。使。叔。果。叔。杲。僉。事。贈。太。僕。少。卿。德。光。祿。署。丞。叔。本。三。百。五。十子之子四百九。十而爲鄉進士。燾如珪。光蘊。錦衣。千戶。如璧。其穎出者。且未艾也。英橋。目。多。山。其。初。磊。砢。不可道。灌莽相屬。自毓爲七第。而各以其力。自闢數里之內。鱗次櫛比。成。大。都。初。毓。之。既。葬。父。珍。也。忍。不。能。去。廬。於



獨行  
旁扁曰樵雲。性喜吟，多與其社中人唱和。社中人亦遂呼之曰樵雲。公奔州王世貞爲之傳。

御史余公文郁

余郁字公文，淳安人。洪武初，以薦辟入朝，賦天馬詩稱旨，授陝西道御史。以清謹聞，尋坐事謫夔門。時太史宋濂卒於蜀，葬無定冢，郁結廬其上，守護唯謹。後有鄭楷者，濂弟子也，爲蜀藩長史，過夔，郁泣而囑之曰：「吾爲若師，守墓三十餘年，今子來有託矣。」啓諸獻王，改卜成都。夔人高其誼，立祠祀之，至今不絕。

梅景和熙

梅熙字景和，通經有學行。少受業於番陽朱公遷，別餘二十年，千里聞訃，熙至番陽爲服，心喪時人。義之。洪武初，舉博學明經，撫安永軍民，卒於官。

殷原善

兄近仁附

殷原善，嘉興人，與兄近仁友愛無間。洪武初，近仁舉孝弟，知平遙，獻所著蒞政戒銘二十四篇，授廣西叅政。與妻皆卒官，所遺三男一女，咸幼。原善遂不娶，撫諸孤如已出。親友諷之娶，原善泣曰：「兄嫂不幸，皆蚤世，遺孤纍



獨行  
卷之十一  
五  
六  
累使我娶而不賢則諸孤將安託哉且娶者以為後也  
諸孤當有為吾後者娶復何益終不復娶撫教婚嫁皆  
得其所鄉邦稱義焉

海州同知許國器懋

許懋字國器海寧人生而不凡器度豁如應物酬酢必  
依長厚元季歲歉發家儲賑貸復以萬戶長督海運抵  
大都授杭州路治中不就時紅巾賊起懋倡子弟之義  
勇戰却之事聞復授以前職懋堅執雅操終辟不就明  
典求賢邑以懋應 詔授承事郎海州同知在官六載  
以績著

宋味古

宋味古會稽之宋家店人也少讀書知大義長而能詩  
隱居不仕當建文遜位時味古每於夜深疊卓從星月  
下北向以祭祭畢且痛哭如是者月餘為讐家所告遂  
逮捕其子某請代味古乃得釋人謂忠臣孝子萃於一

門

劉閱畊均美

婿張璟附

劉均美號閱畊世以醫名均美讀書通大義性孝友異

獨行

卷之十一

光果堂



母弟勝生三歲父病且革顧均美指勝有所囑而不能  
言均美泣曰大人寬心他日當如大人意父肯首始瞑  
目均美爲教養長有立娶妻至生子盡以父屋產讓勝  
而自構屋北郭甘泉里以居洪武間以間右實京師居  
織錦坊仍以醫行喜居善藥售不二價又喜施病而貧  
者故四方持重價走均美而藥者日無筭而貧無錢走  
丐者亦無筭均美旦起視丐先之而始次第及市者其  
言曰罔俾丐藥者自嫌不來也均美旣喜從士大夫游  
士大夫亦多均美之義一時知名若翰林解學士特爲  
著正心堂記楊士奇諸公亦皆有詩歌贈遺郡人許岐  
遊太學貧無以自給均美舍之家助死爲殯歛歸其棺  
以葬暮年術益精活人益多譽益遠壽九十卒子用賓  
孝友世其家孫琮性孤潔不妄交接工詩琮子莊鄉貢  
進士早亡均美婿張璟天性善淳家富累萬金悉以讓  
其兄不留一錢自私父臨歿語之曰爲汝埋黃金首飾  
白金三千餘兩土中他日可取爲用也後兄蕩廢棲鬱  
不堪璟特告兄埋金處盡奉之一無所取鄉邦稱爲善  
人



汪慶衍灌

汪灌字慶衍，婺金華西山里人也。爲人廉直，能急人患。難人有故，叩之卽風雨寒暑不避也。鄉里大事，官皆倚之以辦。一日念徭役不均而訟訐滋起也，聚其鄉人謀之曰：鄉之人非吾父兄則吾屬子弟也，顧墮恩圯義而闕於役者，獨憚追胥科繇騷屑之擾焉耳。請率里正一歲所湏錢，長短相覆，亡兼費三十萬。吾鄉戶各自實其資，爲三等定著之，差次於籍而衆哀金以昇當役者，後之先後視戶籍金之多寡視等則異時戶有升降則告於衆而進退之如是，則名雖直役者聽事而實皆仰給於衆也。公無廢事而私可無敗家，尚何憚乎？願與父兄商之。衆翕然稱善，卽日立約束，無敢違者。旣又以哀金之難也，衆割田百畝爲之約，成登其書於縣而各藏其副於家。竣於役而返，則會衆擊豕醢酒，舊里正以田授新里正，成禮而退。於是一鄉之役訟遂絕行三十年矣。太守吳公大善之，延灌等及他父老與爲禮而志其鄉以風。歲惡，饑民羣起爲寇攘，以抹死守。召灌爲畫，欲調兵。灌曰：無以爲也。此直丐升斗，抹死耳。下片符可致何



俟兵乎脫兵出則挺而搏矣守乃悟然猶遣巡檢與俱灌止巡檢於家飲食之獨以數十輩持符逮至莫不畢集吏覬功悉論以死灌詣府伏庭下不起曰是曹束手隨檄來未嘗扞法也今以逆論之後復無凶歲乎且灌實召之灌不忍民聽灌就逮而死也守感悟亟解散其獄特黥者二人而已其著信如此

### 阿寄

阿寄者淳安徐氏僕也徐氏昆弟別產而居伯得一馬仲得一牛季寡婦得阿寄阿寄年五十餘矣寡婦泣曰馬則乘牛則畊踉蹌老僕乃費我藜羹阿寄歎曰嘻主謂我力不若牛馬耶迺畫策營生示可用狀寡婦悉簪珥之屬得銀十二兩昇寄寄則入山販漆暮年而三其息謂寡婦曰主無憂富可立致矣歷二十年致產數萬金爲寡婦嫁三女婚兩郎齋聘皆千金又延師教兩郎旣輸粟爲太學生而寡婦則阜然財雄一邑矣頃之阿寄病且死謂寡婦曰老奴馬牛之報盡矣出枕中二楮則家計巨細悉均分之曰以此遺兩郎可世守也言訖而終徐氏諸孫或疑寄私蓄者竊啓其篋無寸絲粒粟



之儲焉。一媪一兒，僅蔽緼掩體而已。田汝成曰：阿寄事予，蓋聞之俞鳴和云。夫臣之於君也，有爵祿之榮；子之於父也，有骨肉之愛。然垂纓曳綬者，或不諱為盜；臣五都之豪，為父行賈，匿良獻苦，否則德色也。阿寄村鄙之民，非素聞詩禮之風，心激寵榮之慕也。迺肯畢心殫力，斃而後已。嗚呼！不可及已。嗚和又曰：阿寄老矣，見徐氏之族，雖幼必拜，騎而遇諸途，必控勒將數百武，以為常見主母，不睇視女使，雖幼非傳言不離立也。若然，則縉紳讀書明禮義者，何以加諸以此奉君親，雖謂之大忠純孝可也。

### 王叔豐稔

王稔字叔豐，義烏人，學士禕之孫，國子博士紳之子也。自幼潛心勉學，博覽羣書，受業於方孝儒，以文行重於士林。及孝儒被刑，狼籍人莫敢收。稔與鄭恂潛至聚寶門外，求其骸骨以歸，坐逮繫獄。文皇念偉忠，特宥之。且用稔，稔辭疾終其身。讀書青巖山下，稔與童景庸書言痛念遜志名蹟，日就湮沒，欲執事與令兄商確搜輯。其學行幽潛，生卒始末為家傳行狀，以傳同志，有愛慕。



之心者自能默識而謹藏之矣。稔遂輯方氏遺文爲侯城集。後百年始傳。

周彥華子輝

妻俞氏子孟曉附

周子輝字彥華，遂昌之西隅人也。弟子忠永樂初被誣以死罪，連坐妻子。子輝謂其妻俞曰：「吾弟既死，雖有二子尚幼，未能保其必嗣也。若長姪與母俱就死，吾忍吾弟弗嗣乎？」妻曰：「然則奈何？」盍以吾次子孟曉代之。子輝曰：「是吾意也。」卽召孟曉泣而語之，故孟曉慨然請行。時年纔十四耳。臨刑顏色不變。人以其爲尤難。子輝與妻愛其二子，若已生，訓之成立，復以已置產業均分子姪。鄉人義之，以爲今之伯道云。

翰林檢討秦性初

秦初字性初，山陰人。卓有行誼。居太學時，同舍生以使命出，妻死無主，初爲之經紀喪事，甚周。有金安者，除後山衛經歷，當之任，貧無以治裝，初解所乘驢資遣之。徒步以歸。永樂中舉進士，官翰林檢討。

吉安通判吳源潔

潭字源潔，處之遂昌人也。少爲諸生，以仁厚稱。嘗出



行道上見一人號泣赴水潭詰其故曰縣官徵租急無以償適鬻產得金將以輸官因醉道遺覺而覓之不待也夫鬻產以逭罰也失金無輸則公私益困矣不死何待潭力止之因給曰拾金者我也而第隨我歸舉以授子耳何死爲其人收涕謝遂隨潭歸潭止之堂上飲食之急令人鬻家具如其數以償失金者得不死未幾領北闈鄉薦授理常德終吉安通判所在以治績聞

陸賢良宗秀

子珪獻瑜瑾附

陸宗秀平湖人宋樞密副使旋吉之九世孫也爲人敦樸有至行永樂甲辰應賢良詔徵至京會仁廟新御

極宗秀方巾布袍引見

上異其禮貌從容命進宸前

問曰如何則天下太平宗秀叩頭對曰皇帝親賢納

善大臣秉公持正自然太平

上悅曰好言語公卿在

列者皆悚然既罷出太學士黃淮以鄉人揖宗秀與語又問先生何字對曰小民名實字宗秀鄉里謬以字稱今旣上聞謹易字爲名別無字也淮歎曰先生一言

一動皆合禮留京邸數日以疾辭賜寶鈔銀幣還正統五年歲飢宗秀傾家廩助賑事聞賜勅褒獎表其門曰



尚義子珪字廷玉景泰六年飢疫明年飢益甚珪與弟  
璣瑜瑾共出穀五千餘斛以賑有司上其事詔授珪廸  
功郎兄弟四人皆賜宴光祿珪以德義著於鄉鄉人有  
不平事皆就之取直不至官府邑初建學珪與沈氏共  
任之落成令酌酒祝曰願爾兩家世世衣冠弗絕也其  
後陸之孫淞沈之孫肆俱發解

錢清舟人丁能

丁能山陰錢清舟人也嘗夜載衆賈至東關詰朝衆散  
去遺銀一囊能艤舟候賈還而返之久不至携歸明日  
將復往婦阻之曰而終歲往來風波中不過得數金猶  
無以糊其口今安坐而得此吾夫婦足以衣食半世此  
殆天賜也顧安所得遺金者而還之能曰吾寧逃富邪  
顧物各有分彼辛苦營之而卒然失去悔且喪身吾何  
安終往候得金主感謝欲酬以半堅拒不受

袁仲仁大珍

袁大珍字仲仁金華人也居家以孝友聞從兄大通客  
死永嘉大珍親走數百里持喪歸葬寡嫂無子如母養  
之終其身友人張彥修以滇司經歷致仕居家一旦夫



婦俱爲仇家所殺。盡掠其財。一女銀奴甫生。大珍聞變。往哭之。慟抱其女歸。付妻撫之。如已女。卽其二樁。歛其夫婦。合窆之。日夜爲蹤跡。其賊盡獲之。付於法。當是時。大珍之義聲動天地。郡俗民死無葬地者。多焚屍沉其骨於河。大珍憫之。負郭有沃地若干畝。價值五千餘緡。輒捐之。爲義冢。復出已帑。架石梁。造渡舟。以便行者。民之免於徒涉。大珍力也。大珍爲人。慨慷臨事。重然諾。不苟取。與每讀書。遇古忠義事。輒歛衽。久之。且曰。爲士當如是。尤好交納士友。鄉里咸加敬愛。稱義士云。

包侍郎懷德

包懷德蘭谿人。方其爲諸生時。與同邑胡生文善同廩。研書旣而懷德貴。以侍郎在位。而文善亦以進士出身。爲主事。居京邸。文善病革。懷德往訣。文善泣語曰。吾無子。止一女。見託能爲終始乎。懷德杖淚應之曰。諾。旣而文善與妻相繼卒。懷德抱其女歸。囑妻育之。如已女。未幾。懷德致政歸。而其女之齒長矣。擇婿得祝生。將字之。懷德與文善居。相去幾二十里。文善雖死。而故居尚存。懷德先事。令人分其室爲三。夫婦引其女抵文善居。已



處左楹，妻與女處右楹，虛其中，設文善夫妻神位。至日，備祭筵爲文以聘，嫁告命女拜已，復拜其婦，懷德長號，痛哭然後行婚禮。遣嫁之奩具皆備焉。當時稱友誼之篤，不以死生易心者，無不稱包侍郎云。

### 陸國平平

陸平，字國平，世居海鹽。事父母盡孝，事伯父如父。悉讓歸先業，起徒手以財。雄平生好施，處事有斷。里有訟者，爭就質言出而解。洪熙改元，歲大歉，民食草木，平盡免所貸錢穀作粥以食老弱餓者，多全活。正統壬戌，至景泰乙亥，屢飢，前後入粟五千餘石，麥八百斛。佐有司賑濟，詔旌爲義民，表其宅。入京，謝恩，賜宴光祿寺，授教官。先是嘗因事被誣，繫獄凡三載，連逮者多死，平竟得白，以躋榮壽人，以爲行義之報。

### 教諭戴育之櫬

戴櫬，字育之，鄞人。鞏昌太守浩之子也。浩歸自鞏昌，先世田廬外無一長物，晚值鬱攸，僅存一小樓。櫬市宅郡城，迎二親以養，旦夕起居，辭色怡惋，每出入扶掖左右。歲時資束修營致甘旨，至歿猶孺慕，終身語及輒泣下。



與庶兄橋產舉其優者遜之弟補府掾鬻已田以償所  
輸女兄子負官錢逮治峻急力助之護免諸甥家中落  
經營周恤逾毫弗替賑窮賙乏雖踈賤恒恐不盡爲博  
士弟子員授興化府學訓導以身爲教庶其貧者賑之  
士翕然歸心尋陞連城教諭卽自表免就子鼇封旣歸  
足不跡公府縉紳耆英之會間一趨之里間過從布衣  
徒步以一僮自隨至大耄益抑抑畏歛對客必自名卽  
家居未嘗中席而坐食不重味衣華綺者輒不御尤好  
稱人善而匿其過一日家人被盜邏者庶得之櫬惶遽  
縱遣且舉所盜物畀之曰吾知若貧毋恐也鄉人鬻田  
而浮其直或以爲言櫬曰彼失其業忍與較錙銖乎每  
怒已量人非義之獲一毫弗覲也自少至老無謾語無  
情容中心澹然寡於嗜欲閉樓危坐終日讀書賦詩有  
茂軒稿若干卷藏於家子鼇已未進士官終潯甸府知  
府鯨癸未進士仕至福建叅議鱉丁丑進士歷官巡撫  
四川都御史別有傳鱉乙未進士以水部主事治徐州  
洪政績章著而恤災救患尤所孳孳上會試一同舟者  
得厲疾諸人各弃去鱉獨周旋其間湯藥飲含靡不盡



力太僕少卿徐侃道徐暴殂出已資爲治歛事其赴人之急皆此類也高才早世人共惜之

高叔胥宗浙

吳淵周端附

高宗浙字叔胥山陰人讀書好禮積而能散嘗捐山七十畝爲義阡給糶以葬貧者里有衣纓之裔盜其牛或以其人告輒諱而隱之不忍汚其世正統庚申歲大飢糶傍郡米七百斛歸給鄉人全活甚衆明年飢又出私廩助公貸後二年又飢亦如之時同邑吳淵周端竝出粟千石助賑有司上其事詔遣行人謬恂賫勅旌之三

氏子孫至今繁衍昌大爲山陰世家

古直王仁輔佐

王佐字仁輔後去車爲甫台之黃巖人博學工詩漫游京師有鄉人坐事者佐候諸官官併捕候者詢其孥甚急佐甘拷掠卒不言所在入刑部獄獨暴立烈日中不與衆囚伍李主事廷美竒之檢其衣中得柯學士所贈詩問之曰爾能詩耶使賦日影詩成縱之歸長揖出獄獄吏皆大笑然佐亦自是得名旅食三十年無僮僕不置釜甑有竹籠五六惟詩畫數百幅中貯壺酒出飲一



再勺已復鏞之以出尤工字學嘗作草書值掾吏至擲筆曰遽敗吾典羣吏欲毆之或俾自爲計佐曰吾固當毆毆則吾名益彰一日遇諸塗竟被毆獨袖手承之以歸亦不屑意也或勸使仕大言曰我果爲爵祿圖邪盍科舉乎則答曰安得以少年處我嘗在酒所歎曰此亦功名事業也沈按察仲律嘗值佐詢其邑里名跡不置佐曰不須問大抵竒怪人耳李學士東陽爲作傳稱古直有曰周官稱四民班固表人物列九流魏晉以來中正第九品予雅知古直然不能目其爲何如人也作王

### 古直傳

聞廷實璋

子元壁附

聞璋字廷實鄞人也父可信敦樸善良與物無競時稱長者璋世其德益寬大坦夷待人以誠家素豐於財人貸輒應或不讐輒不責其償已而復貸輒復應之或訾其過則曰彼誠厄於乏耳今餓且死忍勿賑之乎或以產售酬之率倍其直入市貿物必以嘉穀卽弗嘉必鼓策播精乃已以甲戶應里役所隸戶或貧弗及時輸輒代之而徐使償焉卽弗償弗較也里有爭訟求平率以



誠欵譬曉莫不帖帖去。隣有蒲遲者，故備也。盜其禾，羣備搜得之，欲詣官，告除盜璋私於子曰：數斛穀乃足盡人命耶？遂諭遲而遣之。遲卒感悔，不復盜。居家孝友，恭儉內外，雍俞處族，衆尤謙謙執禮，尊長或督過輒長忌。請罪必得解，乃已。閭里慕之，謂州里篤行君子也。子元璧，仁孝好施，有父風。然侃侃不阿，濶度而高朗，孤弱者多倚以爲植，竟不壽。子淵舉進士，仕至太子太保吏部尚書，自有傳。璋元璧皆累贈如淵官。

劉敬先儼

劉儼字敬先，其先真定人。父貞官海鹽學訓，遂家於澉川。儼博學善詩文，有古行，娶雙瞽，終身敬愛如賓。家貧授經，門人有貧者，恒却其贄而周之粟。友人沈德常死，無所歸，儼惟有田三畝，鬻以葬之。後雖屢空，不悔也。其詩豪邁，與寄不凡。嘗賦久雨詩，有云：百年海內無奇士，六月山中尚夾衣。其寄慨深矣。遺稿若干卷，董從吾灑爲之序而梓之。

奉化王汝林

王汝林，奉化連山人。性倜儻，好施。凡貧病過門者，接之。



不厭遠近慕其名。陸司寇瑜時爲邑庠生，貧不自存，往詣林而兩人素昧平生。林時浴於溪，陸以謁告，遽起而入，攝衣延之上坐，盛爲之禮。次日林卽遣人濟陸之家，然不以告也。比留連旬日，陸乃自言其情曰：竊慕公子高義，幸而款我，其如家累何？則出陸家謝啓示之。陸起拜曰：不虞君之恩，我深矣。辭之歸，明日林乃張盛具觴而送之。凡寒暑之衣畢備，且贈之白金。陸辭勿得，陸貴不相聞者久之。及陸以刑部尚書致仕還，謁郡守李，行見藉諸人於壁，汝林與焉。陸問此壁間之人善邪惡邪，以爲惡則善人在焉，以爲善又何善之多邪？李曰：否，此皆積惡，吾欲置之死耳。陸曰：餘人吾弗知，若王汝林者，豈非奉化人邪？李曰：然，然則公誤矣。因備道其善狀而汝林弗之知也。蓋於時台有解盜者，汝林遇諸塗，曰：盍搗殺之，盜聞而憾之，誣爲窩主。李卒釋而弗問，竟亦不爲謝。

尚義仇必顯

仇必顯，海寧衛右所人也。兄弟四人，長武昂，仲必達，季弟必侃，痛父早亡，乃同居爨輪掌家政。四人者晚或聞



室人言明發必白之無蓄疑以故久無間言人名其堂曰和樂堂必顯嘗往嘉禾至尚胥見孳骸橫于路寄聲必達施之棺歸尚未歛乃問之必達必達曰恐人疑之曰吾實憐憫何妨也卽買棺殮之遂謂必達曰自此施五百棺以濟死五百絮襖以濟寒沿塘鑿井五十以濟渴數必五者一爲父母四分之弟兄正統四年夏四月百戶杜忠率衛卒乘戰艦禦倭沈家門遇颶風覆之漂依窮島七日不食乃出粟五十石募漁筏救之得生者七十二人羅拜於門求償其直不許嘉禾李旻作尚義記以表之

### 楊允恭欽

楊允恭名欽以字行鄞人也先治舉子業累試不第遂弃去居家以義烈聞嘗憫鄉人湖田重稅之苦鬻產走京師上書闕下具陳湖民重困逃亡之由援慈谿花嶼湖田全折之例累疏不下瀕死者數迄不爲止卒得請行省勘覆議如所奏而督儲使者牽制之詭行而止允恭復三上其情并論牽制之弊一時姦胥狡吏雖抵於法而時方多故有司內懷疑懼莫敢先發太守林富力



主其議曰。上不失朝廷。唯正之供。下可以舒湖民。偏重之困。上下帖然。無或異議。竟得全折。如花嶼湖。例民困。始紓。懽若更生。湖民感林之德。食楊之惠。請於官立祠。祀富。而以允恭配食焉。祠名曰懷惠。志報也。

刑部主事何瞻

何瞻。鄞人。正統間。與同邑胡純同升國學。純病疫。寢內舍。鄉里姻舊皆避去。無一人問者。瞻晝夜視其僕。餽粥。煑藥七日。而候不應。瞻憂之。解衣與竝枕。抱卧。得汗。瘳。瞻亦無恙。瞻與純。後先成進士。純每語人曰。今日以往。皆何兄所生之年也。其恩與父等。故終身事瞻如事父。

李貴

李貴。比直隸金吾衛李得弟也。正統間。得死。子勝立甫五歲。調定海衛。貴越數千里。襁負之。而至。人或說之曰。君盍自爲計。萬戶侯。非孺子有也。貴輒罵曰。人而獸耶。孺子可死。吾心可死。耶。卒保護之。惟謹。及襲爵。輔以政事。且數數戒之曰。君父不可負也。卒用成立。人咸服其

義。

劉景儀鳳



劉鳳字景儀先裔大梁曾祖恂仕元爲海鹽路學諭因家鹽之陶涇鳳慷慨好奇略舉丈夫子九人因大啓家塾延名師以教諸子及鄉之俊秀鳳祖墓在城北近海塘每往墓所見海寧衛官將衆軍乘戰船哨沈家門防倭遇颶風率多覆沒者每更番哭聲振地鳳憫之具疏上奏略曰海東遼遠防彼失此枉喪生靈無益請罷之立沿海堡戍便部下其議責居民能保百年無事否鳳乃椎牛釀酒大會里中賢豪曰吾願以一家衆口保設有事請伏辜咸曰諾遂覆奏准罷沈家門之役去船立堡增戍以防此正統間事也迄今幾百六十年歲免生人命數十百人其陰功何可量也鳳卒以子泰貴封御史而孫琦與魯元諸孫若木爝皆繼相成進士稱世家則冥冥之中所以報鳳者亦不薄矣孰謂天道無知耶

徐蒙六

徐蒙六永康人正統十四年括寇掠境居民多逃竄城邑俱遭兵燹先是縣收鹽課銀數百兩付蒙六傾銷未交官而寇至蒙六以棺貯埋土中而逃人無知者後寇退官將重徵於民蒙六橐其銀以獻曰銀故在勿徵也



獨行  
卷之十  
官大異之。顧而歎曰：此善人也。其後必昌。子孫果多。鼎盛云。

孝廉張朝貢瑤

張瑤字朝貢，嘉興人。舉鄉薦，性孝友。其妻以疾不悅於姑，姑命出之。瑤心知其無罪，令歸依母氏，終身不娶。與兄同孝，養內外無間。言屢上春宮，不第，遂隱居杜門，衣食不給，恬如也。郡守徐盈高其誼，屢枉過，咨論政事，瑤未嘗干以私。卒，無以歛，盈爲具禮葬之。

夏叔恢

夏叔恢，嵯人。天順初，客越城中，飲於酒肆，時傍坐客被酒，忘其囊去，恢獲囊視之，約五十金。疾追其人，弗及。明日，仍俟於其處，失金者號泣而來，遂挈以畀之。觀者莫不歎賞，久之，恢夢一老人抱一兒與之，旣而得子雷領，鄉薦。

解元盧中夫楷

盧楷字中夫，東陽人。自幼英敏，天順壬午，以春秋中浙江鄉試第一，入太學。時祭酒邢讓、陳鑑司業、張業以典簿侵饌錢抵罪，楷方歷事中書，奮欲抹之。或曰：無益，且



得罪奈何。楷曰：師生猶父子也。父既溺子，可懼罪而不號呼以拯之乎？遂率同舍百餘人，伏闕上書。卒白三人之枉，公卿間高其義。以方唐之何蕃云。卒年三十四，有才有行，而用不究命也。夫所著有可齋集若干卷，藏於家。

陸本深源

陸源字本深，自嘉禾徙居海鹽。家貧，年十二，傭書給養。遂工書，弱冠贅于劉。劉亦貧，執爨榻前，力耕種，勤貿易，遂累貲萬金。腴田千畝，然布衣蔬食如貧時。性孝友，父遺盡讓之。兄弟爲諸猶子，婚娶如已子。成化壬辰大歉，爲粥以食飢者。隣婦每伺炊畢，相率携幼稚入竈下，飽食懷飯，集出弗問。繼來亦弗拒，遂勅厨中，每日多作數十人食，以待來者。隣左右數十家，遂竟日不舉火。逋租佃戶入市買布，綱紀奪其布，與之俱來，竟還之。責綱紀曰：以布易粟，家中必枵腹待食，忍奪之耶？好延納四方遊士，戶屢恒滿，卽徘徊數年，敬禮無倦。容客有持宣公族譜來者，曰：素聞宗派，請收之。曰：財非所吝，海溢失譜久矣，不敢妄冒說者，以比狄武襄晚同劉氏脩鹿門之



業壽八十四卒。里中嘗食其德者，相率爲位而哭之。

### 俞統

俞統，永康人。成化十九年大水，統之室廬妻子悉沒於洪流中，栖栖無止。孑然一身，先是有商人市苧者，寓數十金於統家而去。及是聞變，號哭而來。統曰：「無庸爾爲也。」家雖破，銀幸埋土中，尚無恙。遂發其藏而還之，封識宛然。人服其誼。

### 古人趙廷時元紹

趙元紹，字廷時，天台人。少讀書，務踐履，不事章句。孝弟嫻睦之行，一無可媿，而尤重內外之別。嘗寓武林館人女，恃其姿，夜奔之。紹卽拂衣起去。家貧而好賑乏，節衣食以務施，無倦色。祖墓茂植松柏，爲惡隣砍伐，幾盡。或語邑大夫欲繩以法，紹以詩謝曰：「千載白雲長自在，十年之計等浮漚。將嫁女，買孥，詢是良家子，卽擇配。先以女奩贈嫁之，先後邑大夫重其行，皆躬拜其門，歎曰：『忍難忍事，順不順人。』其羣鳥之鳳，羣獸之麟，乎袁令有詩曰：『茅屋山中老，和雲日採薇。縣官強一見，雲氣尚沾衣。』李文正東陽嘗以扇書詩寄曰：『京國由來不記春，採



芝人遠夢應頻。天門拾得青鸞尾。寄與山齋掃白雲。居  
恒手不去書。每夜半。思所讀書中意旨。輒起持書坐。迨  
曉。有所得欣然忘寢食。人以銘行不媿。古人皆以趙古  
人稱之。年九十餘。無疾而逝。人或以爲仙云。

### 夏世康安

夏安字世康。海鹽人。爲人慷慨。負義氣。篤倫理。重然諾。  
有祝仲容者。江右人也。隨其父丞海鹽。老而無子。不能  
歸。遂依世康。世康爲治田宅。切比其居。聽以子昇。往爲  
之婿。無何。仲容死。或謂盍并宅。省所費。不許。無何。而子  
昇又死。或又以爲言。世康笑曰。仲容所以託吾者。徒以  
其妻女耳。今身死。婿亡。其妻尚在。亡友之約。吾可背之。  
乎。自是周恤益厚。終其世。不變。平生言動。不苟。喜怒不  
形。信義所孚。咸稱長者。非特一里社間也。壽八十卒。

### 教授周良佐相

周相字良佐。奉化人。淳謹篤實。嘗游學外藩。夜有女奔  
之。拒不納。詰旦。卽辭去。主人初不省其故。已而女有醜  
聲。始知之。赴省試。有友疫於舟。同行皆棄去。相獨留。謹  
視之。及不起。出已貲備棺衾。親爲之含。而歛焉。後以貢。



司教茶陵諸生貧乏者輒以俸餘濟之束脩之饋不問也諸生頌其賢而祠之學宮居家以孝友稱家有地累世爭訟不決至於婚祭不通相以義讓敦睦如初丁內外艱蔬食水飲終其喪敝居不蔽風雨薄田不贍餐粥而周死恤貧開義塾以教族子弟尤人所難云

周舜龍廷澤

子禎初祚禔附

周廷澤字舜龍山陰人富而好施每歲飢輒捐粟作糜粥以賑或病死則爲義棺義冢以瘞之鄉人有厚負其租者携其子鬻於市廷澤聞之遂焚其券又嘗捐金爲錢清石橋工費鉅萬至今往來者賴之其後四子禎初祚禔及其孫皓相繼舉進士致通顯人以爲行義之報祚尤長於文學有周氏集爲詞家所稱

張守度尺

父璣附

張尺字守度台州人父璣爲涿州守潔清死無以爲歛世稱爲廉張尺少孤無田廬族人使爲行者尺曰我儒家子啜水坐斃足矣何事外道乎傭書取直以糊口浙藩使秦敬者涿州遇士也聞之招爲掾弗肯遺之金弗受問所欲曰願讀書延與其子同學旋卽辭歸秦亦不



能強也。尺念涿州垂歿，求一綿襖不可得，遂終身不衣。綿臨老，結數椽以居，復鬻之以鏹父墓碑。平生與物無求，與人交必有終。年八十有七卒，無嗣。時故人黃縮乞休居山中，率其姪孫彬往歛之，而葬於涿州公墓左。縮復泣而為之銘曰：台之山兮秀以銛，台之人兮多介恬。孰厥考德以賢，嗟先生兮繼貞。庶夜臺寂寞兮，淚以沾。清風悠兮白雲濳，嗟吁先生兮在茲。崦。

鄭飲賓修

鄭修，括之縉雲人也。喜讀書，甘恬退古心。古行塵視紛華，至于酬酢當世，每事必依長厚。家傭有匿稻稿下者，或發焉，修曰：急覆之毋令若覺。我知也。邑侯重其誼，欲見之，辭不可及。以鄉飲請，修曰：茲禮也。乞言而退，一語不及私。

徐望之文彪

子子奎子厚友徐子元周禮附

徐文彪，字望之，上虞人。抱道積學，工詩文。正德間舉賢良，文彪以母老，辭有司敦趣，乃行。當是時，逆瑾方專恣，而謝文正遷以忤瑾謝事去。文彪至京，試吏部，用蕭傅恭顯語，瑾覽策以為文正鄉人，怒甚，下之獄，榜掠幾死。



械戍鎮番。鎮番接壤流沙在中國萬里外。文彪處之怡然。諸武弁子弟相率來學。與之論說不倦。居三年。瑾誅。乃赦還。初文彪二子。子奎子厚。聞父難奮以死。從兄弟耦而往。屬虜旁塞。阨危百端。乃達戍所。卒被父以歸。歸二十有七年而卒。時餘姚徐子元周禮應聘與文彪同下獄。遣戍亦同。而文彪所造特深。當罹禍時賦詩慷慨。無戚容。及歸廬西山。益事嘯咏。絕不談往昔事。復好施予。創義田賑饑恤死。鄉人德之。所著有貞晦集。

夏雷

子日葵附

夏雷秀水人。有叔壁。客姑蘓。餘三十年。垂橐而歸。病不起。爲治殯歛。旣辦。微知吳人有巧負壁貲者。索歸。悉昇世母。無所私。故人樂松爲怨家所構。往來居間。費數百緡。松家至今尸祝之。隣有少婦。窺雷獨寢。擲餘桃以啖之。面發赤流汗。脫身走。晚被旌額。賜章服。里人以爲榮。子日葵。句容令。以循良稱。

周繼實夢秀

周夢秀字繼實。岷生也。苦志獨行。以孝友稱。時有例廩。生限年起貢。一生年踰六十。不得貢。次當及夢秀。夢



秀曰。我猶可待。若不貢。無後期。卒推以讓之。其父別駕。嘗佃實性寺爲宅。旣數十年。增飾堂構。且數百金。夢秀以爲非義。請於父。復捨爲寺。而別僦數椽。以居。風雨不蔽。無愠也。卒。鄉人祀之。學官郡守蕭良幹題其阡曰。高士之墓。

給諫周孟登崑

周崑字孟登。崇德人。登嘉靖癸未進士。溫醇簡厚。篤學好古。令玉山。清白自持。聞羊鳴。以決疑獄。方伯侯澣作靈羊記。以紀之。調進賢。以艱歸。服闋。補新塗。歷刑科。都給事中。凡所建白。不激不隨。罷官。盡以遺產讓兄。自甘清約。人稱爲篤行君子云。

陸忠順美

陸美字忠順。平湖人。幼入邑庠。再試不第。遂隱居。泖上。終其身。杜門不出。爲人醇茂。不嗜芬華。耿介不隨流俗。一言一動。具有成矧。宗黨數百人。皆嚴事之。卽顯貴者。無事不取裘焉。篤於友愛。遇凶歲。捐資與諸父昆弟。易其田。而代其賦。至豐年。則舉以還之。弗以吝。其窶甚者。每計月授之食。宗黨里人。無不高其行。誼者有司。兩請



爲鄉飲大賓俱以疾辭邑侯劉士瑗假道過其間請見  
及一接談自以爲相見之晚明日試諸生以過宋見孟  
子爲題邑人莫不歎其盛德之足以取重也年近八旬  
不卧疾忽具冠服而逝

### 鎮江通判陶公重廷錦

陶廷錦字公重嘉興人嘉靖壬子舉於鄉孝友天植清  
介自持友人坐事逮捕暮夜持數百金授之且示以無  
還期立爲封識投婦其後友人事雪舉囊歸封識宛然  
族兄燻死無適爲後者戚里欲立其子力辭議割腴田  
四百畝爲食貧計亦不受已任理饒州陞判鎮江俱以  
廉幹稱卒於官

### 施濟

施濟歸安人居家修雍睦之行設義塾以訓族屬子弟  
使就食焉嘗至墓所適有盜砍其塚樹者卽蔽身林翳  
間俟盜砍完下地乃使人從容召盜語之曰吾不汝追  
恐汝墜地此樹皆吾祖宗神靈所依慎勿再爾盜愧謝  
棄所砍去濟令家人昇而與之

### 成義士噐



成器字不器，餘姚人。喜讀書，工詩文，好擊劍，以義俠自喜。每聞人間有不平事，輒瞋目大罵。海內有賢豪長者，私心嚮往，雖千里若在室中。不義之夫，卽富貴薰灼直，藐視之，以爲此梟羊吉了也。何得比於人數，以故人人遠之。彼亦不喜，噤就人。每日吾眼前不見俗子，覺意氣更遠。時中官王振濁亂朝政，翰林侍講劉球露章劾之，振怒，矯旨下錦衣獄，益死之。器聞之，輒瞋目大罵曰：「闖奴之橫，至於如此！東都黨禍將復見於今日，吾恨不得上方斬馬劍，斷此闖奴頭耳。」乃卽邑中龍泉山頂爲壇，祭球祭畢，以餞班諸同志。其祭文歷述古今權奸之禍，凡二千餘言，人謂之祭忠文，名其地曰祭忠壇。說者謂與宋謝翱祭文文山於西臺同一義憤云。

龍江驛丞杜守經常

杜常字守經，竹月隱公之長子，孝友天至，有弟三人，曰昇、曰晟、曰昂，悉推世業與之，而獨肩養生送死瑣鉅諸務。昇以游學死於揚，躬往歸其喪，曰：「於我乎，瘞昂未有室，曰於我乎，室女兄嬪而貧，其子瘠弗振也，曰生於我乎，養死於我乎，葬他如厚筐篚以資從女者三，如其女。」



捐資以葬人之不能喪者如其喪諸種種義行都若此。初爲奉化功曹同曹掾有患疫痢者衆徙以避常曰夫固舍中兄弟也而急乃弃之乎躬視湯藥或竟夕不還其人。有妾而弗蠲也衆頗疑之常每往必與其僕偕明燭達旦久之人始服其至誠後移役蘭谿晨出於路拾一青囊中如有金也歸而懸之廨舍往跡其人於亡所俄有泣而至者曰我里役也掌收都料持五十金輸縣時天未曙假寐道左會縣官倉卒至前驅避而遺之死無以償矣常曰收汝泣吾以是待君久矣卽挈而授之其人以十金爲謝常曰君謂有還金而望取分者耶辭而去之楓山章先生理學名臣也見常輒禮之謂他客曰此其人素行合乎聖賢安敢以掾吏少之已而授廣西龍江驛丞上司薦其幹會有以毒藤自殺者誣怨家殺之郡守謂怨家實殺之也而當之死具獄上憲司則移常覆訊訊乃反而出之守惡其反也笞焉常歎曰嗟天乎辨冤而死可矣笞何憾耶後征蠻事起臺憲檄之督兵以此嬰疾卒於邸舍聞者皆哭曰義士而以客死邪無不致疑於天道云



庖人吳三五

庖人吳三五者，發之浦陽人也。以屠爲事，善治。庖韓長公爲浦陽令，喜賓客，令置酒，召三五爲具。數當，令意三五時時給事縣中，令察三五馴謹，不譙讓，值令上計，三五從至彭城，黃河水不得渡，度且失期，泗上亭長詔令曰：旦日第開水渡，令信之。旦甚寒，會泗水大至，舟半渡，水合，上流水如矢石下擊，破舟，徒屬皆號呼爭脫死，令奔舟走水上，水解，令出沒水中者三，令舍人韓祿下索令，令執舍人手，俱不得濟。三五頓足曰：公死矣，倍公不祥。乃赴令，令呵止。三五毋俱死。三五又溺，一丈夫臨泗上，垂綆下，三人引綆，賴不沒。舍人大呼曰：我公貴人，活我公者，予百金。於是船人崔相刺船開水來，出三五。三五謝曰：臣死且不恨，亟活我公。我公長者也。崔相出令載樓船中，次出舍人，次出三五。三五死矣，無何令活，令仰天哭曰：嗟乎，三五從予千里游，奈何以予故殺三五哉。乃傾橐中金治喪具，葬三五彭城西。汪司馬道昆論之曰：吳三五市井之鄙細人也，方其鼓刀以屠，錄錄未有奇節及事，令不見知。一旦急令之危，顧傾身爲令死。



雖烈丈夫何加焉。余嘗過浦陽，其俗齷齪，纖嗇少壯士，令獨能得死士，則自令賢矣。

文學吳子匡元良

吳元良字子匡，錢塘人。弱冠補邑博弟子員，性豪邁，樂施以節，俠自喜，善詩文，工書，真行皆獨詣。當其得意，咄咄逼人，不耐治生。客至，顧囊有一錢，亦留飲，酣暢，客有不勝酒力去者，輒曰：俗子復來，敗人意。以故里中酒人無日不過從，吳長公飲者，父歿遺券數十紙，中屬杭人者，計資可千餘緡。元良悉召其人，語曰：吾書生，雅不習

收責事，諸君各取券去，多有固卻者。元良勉之曰：無庸俟，若盈時，割餘以佐我酒貲，不後也。皆感謝去。其外屬吳人者，資略稱是。元良不知其家，持造吳市中焚之。語市人曰：願傳語鄉閭，有負杭吳長公責者，吾已焚券無煩歸直也。時華亭徐相公階督學兩浙，獨高元良奇士。厚禮之，既去時，時寄書問吳長公無恙，而元良裁謝外，一不涉干請，亦未嘗以此矜之於人。其操履如此。後感不平事，長吁數聲，汗流不收，遂卒。中興里，魏國都宋也。

趙宗良祖騶，系出宋賤，對王之對，六翰而欲，臨人。



趙祖騮字宗良系出宋魏悼王之後六傳而忠訓公藻  
監潭州使者扈蹕南渡賜第婺之中興里勝國時宋進  
士若恢更徙城北潼塘其自潼塘析居鬼山則自環清  
公次德始也騮爲環清六世孫少讀書有大志人資胄  
監大爲呂司成南渠公本所賞識每每語人曰此王孫  
千里駒也性尤篤孝事兩尊人無違色有疾必躬嘗湯  
藥而進之衣帶或經旬不解事伯兄如事父其處里族  
由由如也事有和而無唱人有憾而無否望之似水雞  
矣父雙泉公嘗目顧之而歎曰我家門戶大族駭而歸  
兒曹戔戔者如噉人獐貉何騮跪謝曰兒何知知忠信  
篤敬可行蠻貊而已雙泉公笑而起曰兒故當勝我未  
幾而南渠入相折簡召騮謂若第就官慮無不如意者  
騮笑曰相公故國士我而我乃階相公官乎讀書自若  
尋以哭母喪明乃拊膺太息曰天乎天乎奚以我爲是  
拘拘者耶始授例授某州別駕生平鉛槧胥度之高閣  
曰吾以付後人故居家庭義方更肅雖舍館弄孫不廢  
句讀比總角卽編次徃哲嘉言懿行衍爲詩歌俾之誦  
法故子弟卽甚暱無不事之如神明者暇日與俗之昆



弟縉紳結社山中花朝月夕曳杖往還酌酒賦詩修香山洛社之業卒年七十有七騶性好施予人以急告者無不折券相付族叔某孤貧無依騶養之終身死爲制服躬臨葬祭騶既專志下閭不屑屑家人產於先世田廬無所增闢歲入之美半以行義前後所卹賑無筭而其妻盧安人賢更出簪珥以助之人以方之梁鴻孟光云

兩浙名賢錄卷之十終



書